



太平御覽卷第七十五

地部四十

溝 瀆 渠

澮 汎 灣

溝

釋名曰田間之水曰溝溝構也從橫相交構也

爾雅曰谿注谷曰溝

周禮曰匠人爲溝洫九夫爲井井間廣四尺深四尺謂之

溝方十里爲城城間廣八尺深八尺爲之洫風俗通又戴之

傳曰梁伯好土功乃溝公宮

又曰魯將與齊戰師不踰溝樊遲曰請三刻而踰之衆從

太平御覽

卷七十五

一

之

又曰哀公九年吳城邗溝通江淮杜預曰於邗江築城穿

溝東北通射陽湖西北至末一作宋口入淮通糧道也今廣

陵邗江是也

國語曰吳王夫差既殺申胥不稔於歲稔熟也乃起師北征

闕爲深溝通于商魯之間闕穿也商宋也北屬之沂西屬之濟以

會晉公午于黃池

論語曰禹盡力乎溝洫

史記曰漢王四年王軍廣武關中兵益出當此時彭越將

兵居梁地往來苦楚兵絕其糧道齊王信又進兵擊楚項

羽恐乃與漢王約中分天下割鴻溝以西爲漢以東爲楚



項羽歸漢王父母妻子軍皆呼萬歲羽解而東漢王欲引而西用張良陳平計乃進兵追項羽

博物志曰徐偃王治其國仁義著聞欲周行上國乃通溝陳蔡之閒得朱弓朱矢

又曰酒泉延壽縣南有山石水出處如莒池爲溝

酈善長水經注曰高唐縣有甘棗溝水側多棗故俗取名溝焉

殷氏世傳曰殷褒爲滎陽令先多霪雨百姓饑饉君乃穿渠入河四十餘里疏道原隰用致豐年民賴其利號曰殷溝而民從之

莊子曰尋常之溝洫巨魚無所還其體而鯢鱓爲之制

太平御覽

卷七十五

二

孟子曰思天下之民匹夫匹婦有不與被堯舜之澤者若已推而內之溝中

楊子圖經曰六合縣東三十里從岱石湖入四里至溝中心與陵分界按後漢書張綱爲廣陵太守濟惠於百姓勸課農桑於東陵村東開此溝引湖水灌田

汜勝之記曰吳王濞開茱萸溝通運至海陵倉北有茱萸村以村立名故史記云邗溝卽吳王夫差所開漕運以通

上國

崔豹古今注曰羊溝者言羊喜抵觸垣牆故爲溝以隔之一曰植高楊於其上故謂之楊溝

古詩曰今日斗酒別明日溝水頭蹀躞御溝上溝水東西

流

瀆

釋名曰瀆獨也各獨出其所而入海也

禮記月令曰季春之月道達溝瀆開通道路

爾雅曰溝注澮曰瀆

水流不絕曰瀆

漢舊儀曰祭四瀆用牲

崔鴻十六國春秋前秦錄曰建元十二年堅以關中水旱

不時議休鄭白故事發王侯以下及豪強富民僮隸三萬

開涇水上源鑿山起隄通渠引瀆以溉田民賴其利

伏滔北征記曰姑熟西北有甘寧墓孫皓時占者云墓有

王氣皓鑿其後十里許曰直

太平御覽

卷七十五

三

越絕書曰銅姑瀆長一百五十步去縣二十里

渠

史記河渠書曰禹以為河所從來者高水湍悍難以行平

地數為敗乃醜二渠

漢書音義曰醜分也

以引其河北載之高地過

降水至于大陸播為九河

又曰鄭國間說秦令鑿涇水自中山西邸瓠口為渠竝北

山東注洛三百餘里溉澤鹵之地四萬餘頃收皆畝一鍾

於是關中為沃野無凶年秦以富强卒併諸侯因命曰鄭

國渠

漢書曰禹作二渠以引河武帝時穿渠水岸苦崩乃鑿井

深四丈井下相通井渠自此始得龍骨名龍骨渠起谷口

入櫟陽注渭中因名渠民得其饒歌曰田於河所池陽谷
口鄭國在前白公起後舉鍾爲雲決渠爲雨

又曰張掖郡有千金渠

范曄後漢書曰樊密所起廬舍皆有深堂高閣陂渠灌注
又池魚牧畜有求必給

魏志曰遼西單于冒頓尤強公將征之鑿渠自滹沱入孤
水名平虜渠又從洵河口鑿入潞河名泉州渠以通海

又曰建安十八年九月鑿渠引漳水入白溝以通河

又曰賈逵爲豫州刺史通運渠二百餘里所謂賈侯渠

北史曰郭衍爲開漕渠大監部率水工鑿渠引渭水經大
輿城此東至于潼關漕運四百餘里關中賴之名曰富人

太平御覽

卷七十五

四

渠

隋書謝胄爲兗州刺史先是兗州城東沂泗二水合而南

流沉濫大澤中胄遂積石堰之使決令西注陂澤盡爲良

田又通轉運利盡淮海百姓賴之號爲謝公豐兗渠

唐書曰溫造爲郾州刺史在任開後卿渠九十七里溉田

二十頃郡人獲利乃名爲右史造自造居舍人出郡

水經注曰漢司空漁陽王梁之爲河南也將引穀水以溉
京師渠成而水不流故以坐免後張純堰洛以通漕洛中

公私懷贍是以渠今引穀水蓋純之創也

又曰漢明帝之世司徒伏恭薦王景善能治水顯宗詔典

謁者吳始作浚儀渠吳用景法水乃不害此卽景作所修

故瀆也。渠流東注浚儀，故復謂之浚渠也。明帝十五年，東巡狩至無鹽，帝嘉景功，拜河堤謁者。

又曰：魏武帝又堰漳水，迴流東注，世號天井堰，二十里中作十二墪，墪相去三百步，令互相灌注，一原分爲十二流，皆懸水門，自城西東入，經銅雀臺，下復流入城東，流謂之長明渠。

戴延之西征記曰：洛陽城外四面有陽渠，水周公所制也。建春門外二橋最大，縱一橫一。

續述征記曰：按河渠書，溝洫志引河爲洪溝，一說秦至魏鑿渠引河灌大渠，名曰洪溝焉。

崔實政論曰：戰國海內十二分，魏州有史起引漳水灌鄴。太平御覽

卷七十五

五

民以興歌，蜀郡李冰鑿離堆，通二江，益部至今賴之。秦開鄭國，漢作白溝，而關中號爲陸海。

郡國志曰：瀛洲平舒縣古五渠水，魏延興初，文安縣人孫願等捕魚，此水先祭，忽有羣魚從西而來，有一人異甚，謂願曰：若得大魚，急殺及下網，果得大魚，乃殺之，腹中得天素祭而食之，羣魚並飛，遂不復得，因名此處爲飛魚口。鄴城故事曰：西門豹爲令，造十二渠，決漳水以溉民田，因是戶口豐饒，今渠一名安澤陂。

南康圖經曰：前漢兒寬遷內黃，令吏民大信，表開大輔渠，以大灌漑，獲利，因名曰兒公渠。

說文曰畹水流也

周禮曰倍洫曰畹

稽康養生論曰或盆之以畹澮

澮

說文曰澮水流澮澮也廣二尋深二仞

書曰予央九川距四海濬畎澮距川

爾雅曰谷注溝曰澮

釋名曰澮會也小溝之所聚會也

汎

續述征記曰齊人謂湖爲汎汎中有九十九臺皆生結蒲焉因蒲生白結

太平御覽

卷七十五

六

風俗通曰汎莽也言其平望汎莽無崖際也

灣

鄺善長水經注曰汎水又東歷臨縣西爲明月池白璧灣灣狀半月清潭鏡澈上則風簾空傳下則泉響不斷行者莫不擁楫嬉遊徘徊愛翫

江夏記曰敗船灣在縣西北七里按吳志曰孫權與君臣泛觴於大船江中西上逢惡風權遣舵工張頡取灑州谷利拔劔擬舵工急取樊口未及至口灣中船破因名敗船灣權至岸謂谷利曰何怯於水也谷利曰大王萬乘之主欲涉不測之洲一旦傾危社稷何寄因登陸路而歸

尋陽記曰蠡湖西灣夏秋水渺漲商徒縈紆牽舟循繞人

方疲勞號爲西疲灣亦云西灣又有白漕灣亦在湖西汎漲驚波似雪洶湧漕灣因是名焉又有落星灣灣內有落星石周圍百步許又有神林下有廟祈福而獲前進由是名焉又有女兒廟禱祈亦有靈應卽不許所置

永嘉郡記曰樂城縣三元亭去郡百二十里溪水清如鏡曩昔有得一死鮎者鬻大五六圍一鬻輒得數十斛鮎此灣無所不容有人能食者當自譬腹如三原灣無所不容水經注曰渭水東南與神澗水合開山圖所謂靈泉池也俗名爲萬石灣泉深不側實謂靈異先後漫遊者多懼其繁

鄱陽記曰清灣在縣東南七里隋開皇中太守梁文謙蒞

太平御覽

卷七十五

七

官清潔取此灣水以自供後人思其德號爲清灣

浦

說文曰水濱也

詩曰率彼淮浦省此徐上

郡國志曰夏日浦有龍魚昔禹南濟黃龍夾舟之處

楚詞曰望涿陽之極浦

述異記曰上虞縣有石馳步水傑謂之步也瓜步在吳中吳人賣瓜于江畔因以名也江中有魚步鼃步湘中有靈妃步按吳楚閒謂浦爲步蓋語訛耳

吳錄曰富陽浦濮宋爲吳縣於津吳大帝時有浦通浙江至廬溪故曰洞廬縣東有大溪注廬口淥波青巖昔晉徵

士散騎侍郎載勃遊此自言山水之極致也
郡國志曰金陵西浦亦云項口卽張頌捕魚遇杜蘭香處
也

江夏記曰南浦在縣南三里離騷曰送美人兮南浦其深
出京首山流入大江春冬涸竭秋夏汎漲商旅往來皆于
浦停泊以其在郭之南故曰南

續搜神記曰廬江箏笛浦浦中有大船覆水內漁人宿傍
聞箏笛之聲及香氣氤氳是曹公載妓船覆于此

太平御覽

卷七十五

八

太平御覽卷第七十六

皇王部一

敘皇王上

尙書緯曰帝者天號王者人稱天有五帝以立名人有三王以正度天子爵稱也皇者煌煌也

洛書曰皇道歟故帝者歟

易坤靈圖曰在政不私公位稱之曰帝

易緯曰帝者天號也德配天地不私公位稱之曰帝天子者繼天治物改正一統各得其宜父天母地以養生人至尊之號大君者君人之盛也

易坤鑿度曰帝王興亡必察八部觀卦之符物之應動八部

太平御覽

卷七十六

一

者八部之方候將興以孟月候將亡以季月觀非卦之符如震則有龍巽則有雞之類物謂雲物也

又曰興於仁立於禮畢於義定於信成於聖五者道德之分天下之際聖王之所以通天意而明至道也又曰王者天下所歸天子者繼天理物改一統政大君者人君之盛侵大化行於萬人宜處王德施大化爲大君也

周書曰三王之統若循連環周則復始窮則反本

尙書大傳曰三王之治如環之無端如水之勝火

又曰古者天子有四憐前曰疑後曰丞左曰輔右曰弼有問無以對責之疑可志而不志責之丞可正而不正責之

輔可揚而不揚責之弼

韓詩外傳曰明王有三懼一曰處尊位而恐不聞其過二

曰得志而恐驕三曰聞天下之志道而恐不能行

又曰君者羣也羣天下萬民除其害者謂之君王者往也天下往之善養生人者也故人尊之善辯治人者也故人安之善顯設人者也故人親之善粉飾人者也故人悅之四德具而天下往之四德無一而天下去之往之之謂王去之之謂亡故曰道存則國存道亡則國亡

大戴禮曰古者天子常以季冬考德以觀治亂得失

又曰昔堯取人以狀舜取人以言湯取人以聲文王取人以度

禮記曰君天下曰天子

又曰天子以德爲車以樂爲御

太平御覽

卷七十六

一一

又曰昔先王尙有德尊有道任有能舉賢而置之聚衆以誓之是故因天事天因地事地

又曰帝嚳能序星辰以著衆堯能賞均刑罰以義終舜勤衆事而野死鯀彰洪水而殛死禹能修鯀之功黃帝正明百物以明民其財顓頊能修之湯以寬治民而除其虐文王以文治武王以武功去人之灾此皆有功烈于人也又曰王天下有三重焉其寡過矣乎

又曰孔子曰大道之行也與三代之英上未之逮也而有

志焉

大道謂五帝時也

大道之行也天下爲公選賢與能講信修

睦故人不獨親其親不獨子其子使老有所終壯有所用幼有所長是故謀閉而不興盜竊亂賊而不作故外戶而

不開是謂大同同猶和也平也

又曰故聖人作則必以天地為本以陰陽為端以四時為柄以日星為紀月以為量鬼神以為徒五行以為質禮義以為器人情以為田四靈以為畜

又曰故聖王修義之柄禮之序以治人情故人情者聖王之田也

禮斗威儀曰帝者得其英華王者得其根核霸者得其附枝故帝道不行不能王王道不行不能霸霸道不行不能守其身

禮含文嘉曰山澤者三王五帝之感應也

春秋演孔圖曰正氣為帝閒氣為臣宮商為姓秀氣為人

太平御覽

卷七十六

王氣為若木則人謂蒼龍之刑靈威仰之氣獲則得朱鳥之刑赤堞怒之氣以生之

又曰天子皆五帝精寶各有題序次運相據起必有神靈符紀請神扶助使階立遂遂當作隧

又曰王者嘗置圖錄坐旁以自立

春秋元命苞曰皇者煌煌也道爛然顯明帝者諦也春秋

文耀鉤曰王者往也神所向往人所歸落

春秋運斗樞曰伏羲女媧神農是謂三皇也皇者何合元

履中開陰布綱指天劃地神化潛通

春秋合誠圖曰大帝之精起三河之州中土之腴

又曰大帝冠五彩衣青衣黑下裳抱日月日在上月在下

黃色正方居南間名曰五光正黃而名之曰五光者蓋以黃為成而象形說前之文曰

五色此大帝
象旁文也

春秋保乾圖曰天子尊也神精與天地通血氣含五帝

精人受天地氣而生故神精其天也通天愛之子也

春秋佐助期曰天子法斗諸侯應宿

春秋潛潭巴曰天子有三寶謂塔璣五衡律度也

春秋繁露曰德似天地者稱皇帝天祐而子之號稱天子

子

孝經援神契曰王德稱文備象連表萬精曲節題類設

術修短窮仁尚義祖禮行信握權任智順道行仁俱在

至德

孝經鈎命訣曰三皇步五帝驟三王馳五霸鷲或稱帝

太平御覽

卷七十六

四

王接上稱天子明以爵事天接下稱帝王明以號令臣

下

論語曰摘纂聖承進曰帝不先義任道德王不先力尚仁

義霸不先正尚武力

論語撰考識曰考靈羗德之堯步舜聚禹馳湯鷲德有優

劣故曰行轉疾也

家語曰孔子觀乎明堂觀四門之墉有堯舜桀紂之象又

有周公成王之圖孔子謂從者曰夫明鏡所以察形往古

所以知今

又曰季康子問於孔子曰舊聞五帝之名而不知其實請

問何謂孔子曰昔丘也聞諸老聃天有五行金木水火土

德有優劣以純
作注

分時化育以成萬物其神謂之五帝古之五帝古之王者
取法五行五行更王始終相生亦象其義也故其生爲王
者而死配五行

白虎通曰帝王者號也號者功表也所以表功明德號合
臣下德合天者稱帝仁義合者稱王別優劣也

又曰皇君也美也大也天人之總美大之稱也時實總稱
之

漢書曰堯舜禹稷與之爲善則行驩兜欲與爲惡則誅可
與爲善不可與爲惡是謂上智桀紂龍逢比干欲與爲善
則誅子華崇侯與之爲惡則行不可與爲善可與爲惡是
謂下愚

太平御覽

卷七十六

應劭漢官儀曰皇者大也言其煌煌盛美帝者德象天地
言其能行天道舉措審諦父天母地爲天下主

漢雜事曰漢有天下號曰皇帝自稱朕人臣稱之曰陛下
其命令曰制詔衣冠車馬器械百物曰乘輿所在曰行在

所至曰幸所居曰某禁中所進曰御

天子至尊不敢褻瀆
之文記與乘輿天子

以天下爲家不以京師室宮爲常處則當乘輿必行天下
猶調之車駕今雖在京師京師言行在所巡待天下所奉
事處皆爲宮在長安則曰長安宮
在泰山則曰秦商宮惟當時所至

帝王世紀曰天子至尊之定名也應神受命爲天所子故
謂之天子孔子曰天子之德感天地動八方是以功合神
者稱皇德合天地稱帝義名曰稱王

韋曜洞紀曰自天地剖判君世宰人可得而言者惟庖犧

畫卦神農作稼黃帝輿服最爲昭顯其餘非書記所述難可紀焉

六韜曰王者之道如龍之首高居而遠望深視而審聽神其形而散其精若天高而不可極若淵深而不可測故可怒而不怒臣乃爲虎可殺而不殺大賊乃發

又曰昔栢皇氏栗陸氏驪連氏軒轅氏赫胥氏尊盧氏祝融氏此古之王者也未使民民化未賞民民勸此皆古之爲政者也至於伏羲氏神農氏教化而不誅黃帝堯舜誅而不怒古之不變者有苗之有堯化而取之堯德衰舜化而受之舜德衰禹化而取之

太公伏符陰謀曰武王曰三皇之時無禮義而民利之何

太平御覽

卷七十六

七

也太公曰三皇之時近之則利去之則病所謂上聖人德而治其次教而化之近聖賞罰之

管子曰黃帝有明臺之議上觀於賢也堯有衢室之門下聽于民也舜有告善之旌而主不蔽也禹立諫鼓于朝而備訛謠也湯有總街之庭觀民非也武王有靈臺之宮賢者進也此古聖帝明王所以有而勿失得而勿失也

又曰明一者皇察道者帝通謀者王得巨勝者霸

又曰桓子問曰三王者既殺其君也今言仁義則必以三王爲法度不識其故何也對曰昔者禹平治天下及桀而亂之湯放桀以定禹功也湯平治天下及紂而亂之武王

伐紂以定湯功也善之伐不善自古至今未有改之君何疑焉

又曰言室滿室言堂滿堂是謂聖

又曰昔者七十九代之君法制不一號令不然而居王天下者何也必國富而粟多也夫富國多粟生于農故先王貴之

晏子曰古者有紱衣孳領而王天下者處層巢窟穴而王天下者

老子曰聖人處無爲之事行不言之教萬物作而不辭生于不有爲而不恃功成而不居天唯不居是以不去

又曰不尙賢使民不爭不貴難得之貨使民不爲盜不見太平御覽

卷七十六

可欲使心不亂是以聖人之治虛其心實其腹弱其志强其骨尙使民無知無欲無知者不敢爲也無爲則無不治也

又曰道大天大地大亦大域中有四大而王居其一

又曰聖人無嘗心以百姓心爲心善者吾善之不善者吾亦爲之得善矣信者吾信之不信者吾亦爲之得信矣聖

人在天下翕然爲天下渾其心百姓皆注其耳目聖人皆孩之

又曰聖人之言云我無爲而民自化我無事而民自富我好靜而民自正我無欲而民自樸

又曰聖人執左契而不責於人故有德契無德司徹

與百姓心猶左右契耳契來則和故上下相親用怨不作後世不能執左契以應物而守常微以執執民用此來何餘怨必在

又曰江海所以能爲百谷王者以其善下之也是以聖人欲上人也必以其言下之欲先人也必以其身後之故處上帝害是以天下樂推而不厭也

董子曰爲天子不可不承天意不可不順其道然後爲安矣

又曰古之造文字者三畫而謂之王三者天地人也連其中通其道也

孟子曰人皆有不忍人之心言人人皆有不忍加惡于人之心也先王有不忍人之心斯有不忍人之政矣以不忍人之心行不忍人

太平御覽 卷七十六

之政治天下可運之掌上

又曰五霸者三王之罪人也趙彙卿章句曰五霸大國康政以率諸侯也齊桓晉文秦

穆宋襄楚莊是也三王夏禹商湯周文武也

今之諸侯五霸之罪人也天子討而不伐諸侯伐而不討

荀卿子曰人君者降禮尊也而王重法愛人而霸好利多誑而危欲近四旁莫如中央故王者必居天下之中也

又曰粹而王駁而霸無一焉而亡

又曰國者天下之利用也今王者天下之利勢也得道以持之則大安也大榮也積美之源也不得道以持之則大

危也大累也義立而王信立而霸權謀立而亡行一不義

殺一無罪而得天下仁者不爲也

莊子盜跖篇曰古之禽獸多而人民少于是人皆巢居以避之晝拾橡栗暮居木上故命之曰有巢氏之民古者人不知衣服夏則多積薪冬則煬之故命之曰生知之民神農之代臥則居居起則干知其母不知其父與糜鹿同處耕而食織而衣無有相害之心此至德之隆也

又曰夫帝王之德以天地爲宗以道德爲王以無爲爲常無爲也則天下用而不足

又天道篇曰天道運而無所積故萬物成帝道運而無所積故天下歸聖道運而無所積故海內服此三者恣物之性而無所牽滯

明于天通於聖六通四辟於帝王之德者其自爲也夫虛靜恬澹寂寞無爲者萬物之本也以此處上帝王子子之

太平御覽

卷七十六

九

德也

又曰廣成子曰得吾道者上爲皇而下爲王郭璞曰皇王之稱隨世之

上下耳其餘得通變之道以應無窮一也失吾道者上見光而不爲皇

又曰赫胥氏之時民居不知所爲行不知所之含哺而熙鼓腹而遊民能以此矣

又曰昔容成氏大庭氏栢皇氏中央氏栗陸氏驪連氏軒轅氏赫胥氏尊盧氏祝融氏伏羲氏神農氏當是時也結

繩而用之郭象曰足以紀要而已也甘其食美其服適故審甘當故審美若思侈靡則無

時嫌矣樂其俗安其居隣國相望雞狗之音相聞民至老死

而相往來無求之至也若此時則至治也

又曰古之王天下者知雖落天下不自慮也辨雖彫萬物

不自說也能雖窮海內不自爲也天不產而萬物化地不長而萬物育帝王無爲而天下功故曰莫神于天莫富于地莫大于帝王故曰帝王之德配天地乘天地馳萬物而用人君之道也

又曰至德之世不尙賢不使民能如野鹿正而不知以爲義相愛而不知以爲義實而不知以爲忠當而不知以爲

信

又曰天道篇聖人之靜也非曰靜也善故靜也萬物無足以鏡心者故靜也郭象曰鏡亂也夫虛靜恬淡寂寞無爲者天地之平而道德之至故帝王聖人休焉

唐子曰人君者乘南面之位操殺生之柄威如秋霜恩如

太平御覽

卷七十六

十

春養何求而不得何化而不從人君也當以江海爲腹山林爲面當使其觀者不知江海何藏山林何有

蘇子曰天子坐九重之內樹塞其門旒以翳明衡以隱聽鸞抑馳

陸子曰三皇垂策而武帝擊手唐虞按轡禹湯馳轅雖使周公御衡仲尼促節固不已也

孫綽子曰道一者帝德克者王依仁仗義者霸無爲而治者道也爲能不待者德也有三王國仁也責貢不入義也慎子曰昔者天子能依而宰夫設版足能行而相者導進口能言而行稱辭故無失言失禮也

又曰古者立天子貴之者非以利一人曰天下無一貴則

禮無由通通禮爲天下也故立天子爲天下也非立天下
爲天子也立國君以爲國也非立國以爲君也

太平御覽

卷七十六

十一

皇王部二

敘皇王下

呂氏春秋曰性生之者天也養成之者人也能養天之所生而勿撓之謂之天子帝者天下之所適也王者天下之所往也

又曰天地大矣生而勿成子而勿有

高誘曰大地大生育民人已不為不已為

己子子成遂萬物皆被其澤得其利而莫知其所由始物以已為有也萬物皆被其澤得其利而莫知其所由始由從也萬物皆蒙天地之澤而得其澤時父老無徭役此之勞擊壤於里陌自以為然故曰莫知其所從始者也

三皇五帝之德也

又曰黃帝曰茫茫昧昧因天之威與元同氣

高誘曰茫茫昧昧廣大貌

太平御覽

卷七十七

一

也因天之威無不敗也與元同氣無不協也

故曰同氣賢於同義同義賢於同

力同力賢於同居帝者同氣

同元氣也

王者同義

同仁義也 霸者同

力同武功也

又曰軍必有將所以一之也

高誘曰將主也

國必有君所以一之

也天下必有君子所以一之也天子必執一所以博之也

又曰五帝固相與爭也遞費勝者用事

又曰蚩尤作兵也利其式

高誘曰蚩尤少昊氏之末九黎之君名也始作亂伐無罪殺無

辜善用兵為無非始造之也故非非作兵者也

未有蚩尤之時民固剝林木以戰

矣勝者為長

長率也

長猶不足以治之故立君君又不足以

治之故立天子

又曰八固不能自知人主獨甚存亡安危勿求於外

高誘

皆在務在自堯有欲諫之鼓欲諫者舜有誹謗之木諱其

於表湯有司過之士司主也武有式慎之鞞欲式者猶恐

不能自知尚恐不能今賢非堯舜湯武而有揜蔽之道奚

由自知哉

又曰五帝先道而後德故德莫盛焉三王先德而後事故

功莫大焉五伯先事而後兵五伯昆吾大彭豕章齊桓晉文也故兵莫強

焉

又曰凡為天下治國家必務本而後末所謂本者非耕稼

種植之謂也務本莫貴於孝人主尊孝則名章榮下服聽

天下譽人臣孝則事君忠處官廉臨難死士民孝則耕耘

疾守戰固不敗北夫孝者三王五帝之本務而萬民萬事

太平御覽

卷七十七

之紀也夫執一術而善百邪去天下從者其惟孝乎

又曰古先聖王之所以導其民者先務于農民非農徒為

地利也貴其志也民農則樸樸則易用易用則邊境安主

位尊民農則重重則少私議少私議則公法力立專一民

豐則其產厚其產厚則重徙重徙則死其處而無二慮

又曰昔先聖王之治天下也必先公公則天下平矣嘗試

親于上志古記也有天下者眾矣其得之必以公其失之必

以偏凡王之立也生于公故鴻範曰無偏無黨

又曰昔舜欲稽古今不成既足以成帝矣禹欲帝而不成

既足以成王矣湯欲繼舜而不成既足以服田荒矣武王

欲及湯而不成既足以為諸侯長矣

董仲舒荅問三皇三才也五帝五常也三王三明也五霸五嶽也

淮南子曰至德之世謂太古三皇之時甘瞑乎溷淵之域而徒倚

乎汗漫之宇提挈天地而委萬物以鴻濛爲景柱而浮揚乎無畛崖之際是故聖人呼吸陰陽之氣而羣生莫不暵暵然仰其德以和順當此之時莫之領理決離隱密而自成渾渾蒼蒼純樸未散旁薄爲一而萬物大優是故雖有羿之知而無所用之

又曰古者至德之世賈便其肆農樂其業大夫安其職而處士循其道當此之時風雨不毀折草木不夭死九鼎重王者之德休明則鼎重珠玉潤澤洛出丹書河出錄圖故姦回淫亂則鼎輕也

太平御覽 卷七十七

三

許由方回語使方回求子列藥得之善卷披衣得達其道何則世之主

有欲利天下之心是以人得自樂其閒四子之材非能盡大蓋今之世也然莫能與之同光者遇唐虞之時也

又曰人主之居如日月之明也天地之所同側目而視傾耳而聽延頸舉踵而望也是故非澹泊無以明德非寧靜無以致遠非寬大無以廉覆非慈厚無以懷衆非平正無以制斷

又曰古者有釜而綰領以王天下者矣古者蓋三皇以前也釜頭著此釜用

言未知制冠也總鏡皮衣屈而缺之如今胡家嘗襲文其援以爲領也一說釜放緩也總領頭而已皆無失也

德生而不辱刑措不用也予而不奪余其則也不奪無天下不

非其服同懷其德非猶譏也當此之時陰陽和平風雨萬物

蕃息政不雪生無失折鳥鵲之巢可俯而探也禽獸可羈而從也

從猶豈必褒衣博帶句襟委章甫哉

又曰國之所以存者道德也道德施行民悅其化及國存也家之所以亡

者理塞也道堯無百戶之郭舜無植錐之地以有天下禹

無十人之衆湯無七里之分以王諸侯文王處岐周之閉也地方不過百里而立為天子者有王道也

又曰聖人不貴尺璧而貴寸陰時難得而喻失也禹之趨

時也履遺而弗取冠掛而弗顧非爭其先也而爭其得時

也是故聖人守清道而抱雌節清河靜也雌柔弱也因循應變嘗從

而不先柔弱以靜舒安以定舒詳也攻大礪堅莫能與之事

攻大礪堅喻難也

太平御覽 卷七十七 四

又曰帝者體太一王者法陰陽霸者則四時君者用六律

體大一者半籠天地彈壓山川含吐陰陽申曳四時紀綱

八極經緯六合覆露照導普汜無私普大汜衆也無私愛憎言皆公也翻

飛蠕動莫不仰德而生陰陽承天地之和形萬殊之體含

氣化物以成埤類埤形也羸縮卷舒淪于不測盈長縮短卷屈舒散入于

不可測盡之源也終始虛滿轉于無源則四時者春生夏長秋收

冬藏取與有節出入有時開闔張翕不失其序喜怒剛柔

不離其理用六律者生之與殺也賞之與罰也與之與奪

也非此無道也明四時六合之君非此上事其餘無他道也

又曰古之帝王者非以養其欲也聖人踐位者非以逸樂

其身也為天下強掩弱眾暴寡詐欺愚勇侵去喪和而不

以相教積財而不相分故立天子以齊之

又曰五帝三王之法籍風俗一世之跡也譬若土龍芻狗之成始文以百黃飾以綺繡纏以朱絲及其已用則壤土草芥而已誰貴之哉

又曰神農無制令而民從唐虞有制令而無刑罰夏后氏不負言般人誓周人盟

又曰聖人在上位者賞罰不施而天下賓服日計之不足而歲計之有餘譬若百梅足而百人酸一梅不足一人酸也

又曰使堯度舜則可使桀度堯是猶以升量石也

又曰同氣者帝同義者王同力者亡於三者無一雖於世其滅亡

又曰秦古二皇計慎曰庖德神農德於中央德覆天地而和陰陽

太平御覽

卷七十七

五

節四時調五行虹蜺不出賊星不出五星逆行謂之賊星也

又曰人主者以天下之目視以天下之耳聽以天下之智慮以天下之力動是故號令能下究而臣情得上聞百官修通羣臣輻湊喜不以賞賜怒不以罪誅是故威厲立而不廢聰明光而不蔽法令察而不苛耳目達而不闇善否之情日陳于前而無所逆

楊子法言曰五常者帝王之事古寧有書不由筆言不由舌哉

桓論新語曰儒者或曰圖王不成其弊可以霸此言未是也

傳曰孔氏門人五尺童子不言五伯事言惡其違仁義而

尙推誑也

又曰夫上古稱三皇五帝而次有三王五伯此皆天下君之首冠也故言三皇以道治五帝用德化三王由仁義五伯以權智其說之曰無制合刑罰謂之皇有制令而無刑罰謂之帝賞善誅惡諸侯朝事謂之王與兵約盟以信義矯世謂之伯也

論衡曰古之帝王建鴻德者須鴻筆之臣褒頌紀德也

潛夫論曰天作道皇作極臣作輔人作基

又曰王之政普覆兼愛吉凶禍福與人共之

春秋運斗樞曰皇天不言四時興焉百物生焉垂拱無爲謹言而民不違道德玄泊有皇天故曰皇皇者中也光也

太平御覽

卷七十七

六

合元履中開陽布綱曰合皇極其施光明指天畫地神化潛通煌煌盛美不可勝量

又曰大傳說燧人爲燧皇伏羲爲羲皇神農爲農皇也燧人以火陽也陽尊故託燧皇於天伏羲以人事紀故託羲皇以人蓋天非人不固人非天不成也神農悉地力植穀故託農皇於地天地人之道備而三王之運興矣

又曰五帝易傳禮記春秋國語太史公記黃帝顓頊帝嚳帝堯帝舜是五帝也謹按易尙書大傳立五帝以爲相四時施生法度明察春夏慶賀秋冬刑罰帝者任德設刑以則像之言其能行大道舉措審諦也黃帝者先也厚也中

和之色德施四季與地同功故先王以別之也顓頊嚳也

頭者信也慤也言其承文湯之以質使天下遵化皆貴真
慤也譽者考也成也言其考明法度醇美譽然考酒之芬
香也堯者高也高者言其隆興煥炳最高明也舜者准也
循也言其准行道以循堯緒也

又曰禮號謚託設夏禹殷湯周文武定三王也禹者輔也
輔續舜後庶續洪茂自堯以上王者子孫據國而起功德
浸盛故造謚舜禹本以白衣美砥行顯名升爲天子雖復
制謚不如名著故國名焉湯者攘也言其攘除不軌改亳
爲商成就王道天下熾昌文武皆以其長夫擅國之謂王
能制殺生之威之謂王王者往也天下謂所歸往也

又曰易稱天先春而後秋地先 而後凋日月先光而後

太平御覽

卷七十七

七

幽是以王者則之亦先教而後刑三王結繩五帝畫像三
王肉刑五霸黠巧此言步驟稍有優劣也

傅子曰庖犧神農順民之性育之者也皇帝除民之害救
之者也舜治天下垂拱無爲者以皐繇旣舉而不仁遠也
禹治洪水冠掛不顧者不以下憂累其上也湯去三面之
網歸之者四十國文武塋城隅之枯骨天下懷其仁所惠
者小所感者大人心先之也

又曰不使不仁加乎天下用武勝殘而百姓以濟此仁刑
於撥亂黃帝是也時有萬物必世而後仁此著于治平堯
舜是也

周生列子曰居堯舜之位而不行唐虞之政者猶反衣狐

黃石公三畧曰夫三皇無言化流四海故天下無所歸功
帝者體天則地有言有令而天下太平君臣讓功四海化
行焉王者治人以道降心服志設矩備襄四海會同王職
不廢雖兵甲之事而無戰鬪之患君無疑于臣臣無疑于
主國定主安臣以議退亦能美而無害

又曰任德者縱任義者橫縱成者王橫成者霸王兵法天
霸兵法地天者德不可量地者戚不可圖不量

又曰治天下有四術一曰忠愛二曰無私三曰用賢四曰
度量通則足用賢則多功無私百之一宗也志愛父父之
行也

太平御覽

卷七十七

八

又曰堯舜墨禹脛不生毛文王至日昃不暇飲食故富有
天下貴爲天子矣

太平御覽卷第七十八

皇王部三

天皇

地皇

人皇

有巢氏

燧人氏

太昊庖犧氏

女媧氏

炎帝神農氏

天皇

項峻始學篇曰天地立有天皇十三頭號曰天靈治萬八

千歲以木德王

洞冥記曰天皇十三頭一姓十三人也

徐整三五歷紀曰溟滓始牙鴻濛茲萌歲起攝提元氣肇

啟有神靈一人十三頭號曰天皇

太平御覽

卷七十八

洞記曰古人質以頭為數猶今數鳥獸以頭為計若鹿十

頭鹿非十頭也

春秋緯曰天皇地皇人皇兄弟九人分為九州長天下也

河圖括地象曰天皇九翼題名旋復

帝系譜曰天地初起即生天皇治萬八千歲以木德王

遁甲開山圖曰天皇被迹在柱州崑崙山下

榮氏注曰天皇兄弟十三

人身貌相類不可分別治在柱州崑崙也

地皇

項峻始學篇曰地皇十二頭治萬八千歲

洞冥紀曰地皇十二頭

帝系譜曰地皇治一萬八千歲以火德王

三五歷紀曰有神聖十二頭號地皇

遁甲開山圖曰地皇興於龍門熊耳山

榮氏注曰地皇兄弟九人面貌皆如

女子貌皆相類蛇身歌足生於龍門山中

人皇

春秋歷命序曰人皇氏九頭駕六羽乘雲車出谷口分九

州宋均注曰九頭兄弟九人

項峻始學篇曰人皇九頭兄弟各三百歲依山川土地之

勢裁度為九州各居其一方因是而區別

遁甲開山圖曰人皇起於荆馬

榮氏注曰人皇兄弟九人生于荆馬身有九色

三三歷紀曰有神聖人九頭號人皇

馬總云一百六十五代合四萬六千五百

年天皇地皇人皇為太古

太平御覽

卷七十八

二

有巢氏

禮曰昔者先王未有宮室冬則居營窟則夏居橧巢

鄭玄注曰

樂則累土暑則聚薪柴居其上

項峻始學篇曰上古皆穴處有聖人教之巢居號有巢氏

今南方人巢居北方人穴處古之遺俗也

皇甫謐以為有巢在女媧之後

韓子曰上古之世人民少而獸禽多人不勝禽獸蛇虺有

聖人構木為巢以避羣害而人悅之使王天下號之曰有

巢氏

遁甲開山圖曰石樓山在瑯琊昔有巢氏治此山南王天

下百有餘代未詳年代也

燧人氏無文籍未有甲歷記年歲

易通卦驗曰燧皇始掘機矩表計冥圖其刻曰蒼渠通靈
鄭立注曰矩法也燧皇也謂燧人在伏羲前作其圖計冥時無書刻石而謂之耳刻曰蒼渠渠肩之人能通神靈之意也

尙書大傳曰燧人爲燧皇燧人以火紀官火陽也陽尊故託燧皇於天

禮含文嘉曰燧人始鑽木取火炮生爲熟令人無腹疾有異於禽獸遂天之意故謂燧人

古史考曰太古之初人吮露精食草木實穴居野處山居則食鳥獸衣其羽皮飲血茹毛近水則食魚鼈螺蛤未有火化腥臊多害腸胃於是有人以火德王造作鑽燧出火教人熟食鑄金作刃民人大悅號曰燧人

太平御覽

卷七十八

二二

禮曰昔者先王未有火化食腥也食草木之實鳥獸之肉飲

其血茹其毛此上古之時也後聖有作起然後修火之利範金鑄作

用合土瓦瓶甕及隸大以炮以燔以烹以炙以爲醴醪

王子年拾遺記曰遠明國有大樹名遂屈盤萬頃後世有聖人遊日月之外至於國其自此樹下有鳥啄樹燦然火出聖人感焉因用小枝鑽火號燧人氏

太昊庖犧氏

帝皇世紀曰太昊帝庖犧氏風姓也蛇身人首有聖德都陳作瑟三十六絃燧人氏沒庖犧氏代之繼天而生首德於木爲百王先帝出于震未有所因故位在東方主春象日之明是稱太昊制嫁娶之禮取犧牲以充庖厨故號曰

庖犧皇後世音謬謂之伏犧或謂之宓犧一解云虛古伏字後誤以宓爲

宓故號曰宓犧一號權皇氏在位一百一十年

易繫辭曰古者庖犧氏之王天下也仰則觀象于天俯則觀法于地觀鳥獸之文與天地之宜近取諸身遠取諸物于是始作八卦以通神明之德以類萬物之情作結繩而而網罟以畋以漁蓋取諸離

河圖曰伏犧禪於伯牛鑽木作火

易坤靈圖曰宓犧時立九部民易理

易通卦驗曰宓犧方牙蒼精作易無書以畫事鄭立云宓犧時質樸

作易以為政令而不書但以畫其事之形象而已

詩含神霧曰大遘出雷澤華胥履之生宓犧宋均注曰雷澤地名華胥

太平御覽 卷七十八

伏羲母

禮含文嘉曰伏者別也犧者獻也法也伏犧德洽上下天應以鳥獸文章地應以龜書伏羲乃則象作易卦

左傳曰邾子曰太皞氏以龍紀故為龍師而龍名杜預注曰太昊

伏犧氏風姓之祖也有龍瑞故以龍命名

春秋內事曰伏羲氏以木德王天下之人未有宅室未有水火之和於是乃仰觀天文俯察地理始畫八卦定天地之位分陰陽之數推列三光建分八節以文應瑞凡二十四消息禍福以制志凶

又曰天地開闢五緯各在其方至伏羲乃合故以為元

孝經援神契曰伏羲氏日角衡連珠宋均曰伏羲木精人

口所出房所立尊星也衛中有骨表而連珠象玉衡有星也

又曰鉤命決曰華胥履跡怪生犧皇跡靈威仰之跡也履跡而生以爲奇怪也遁甲開山圖曰仇夷山四絕孤立太昊之治伏羲生處

帝系譜曰伏羲人頭蛇身以十月四日人定時生崔實政論曰太昊之世設九庖之官

魏陳王曹植庖羲贊曰木德風姓八卦創焉龍瑞名官法地象天庖厨祭祀罟網漁畋瑟以象時神德通玄

女媧氏

帝王世紀曰女媧氏亦風姓也承庖犧制度亦蛇身人首一號女希是爲女皇其水諸侯有共工氏任智刑以強伯而不王以水承木非行次故不載

太平御覽

卷七十八

五

歸藏曰昔女媧筮張幕枚占之曰吉昭昭九州日月代極平均土地和合四國

山海經曰女媧之腸化爲神處粟廣之野郭璞注曰女媧占神女而帝者

人面蛇身一日中七十變其腸化爲比神粟廣野名也

禮曰女媧之笙簧女媧三皇承宓犧者笙簧中之黃也世本曰女媧作笙簧也

淮南子曰往古之時四極廢九州裂天不兼覆地不周載火濫焱而不滅水浩洋而不息猛獸食精民高誘注曰精善也鸞

鳥攬老弱于是女媧鍊五色石以補蒼天女媧陰氏佐伏義治者也斷

鰲足以立四極殺黑龍以濟冀州黑龍水積也故立牧太一稽殺之以上雨也濟

猶乾也冀州九州中謂合四海之內積蘆灰以止滌水蘆葦也葦生于水故積聚其灰以止其滌

太平御覽民生背方州抱圓天方州和春陽夏殺秋約冬

枕方寢繩方矩四十交繩
直身而臥也

風俗通曰俗說天地開闢未有人民女媧搏黃土作人劇
務力不暇供乃引繩于泥中舉以爲人故富貴者黃土人
也貧賤者緇也

遁甲開山圖曰女媧氏沒大庭氏王有天下五色異色次
有栢皇氏中央氏栗陸氏驪連氏赤胥氏尊盧氏祝融氏

混沌氏英氏有巢氏葛天氏陰康氏朱襄氏無懷氏凡十

五代皆襲庖犧之號自無懷氏已上史經不載莫知都之

所在其工氏才德若水火之開闢而不王女媧是三皇之
稱三皇者多有不同以太昊炎帝爲二皇其一或稱

女媧或稱祝融或稱共工未和孰是自女媧
至無懷十五代合一萬七千七百八十七歲

魏陳王曹植女媧贊曰古之國君造簣作笙禮物未就軒

太平御覽 卷七十八

六

轅纂成或云二君人首蛇形神化七十何德之靈

炎帝神農氏

帝王世紀曰神農氏姜姓也母曰任姒有喬氏之女名女

登爲少典妃遊于華陽有神龍首感女登于常羊生炎帝

人身牛首長于姜水有聖德以火承木位在南方主夏故

謂之炎帝都於陳作五絃之琴凡八世帝承帝臨帝明帝

直帝來帝哀帝榆岡又曰本起烈山或稱時之一號魁隗

氏是爲農皇或曰炎帝時諸侯夙沙氏叛不用命炎帝退

而修德夙沙之民自攻其君而歸炎帝營都于魯重八卦

之數究八人之體爲六十四卦在位百二十年而崩塋長

沙

易下繫曰神農氏作斲木爲耜揉木爲耒耨之利以教天下蓋取諸益

禮含文嘉曰神者信也農者濃也始作耒耜教民耕其德濃厚若神故謂神農也

古史考曰炎帝有火應故置官司皆以火爲名

傳曰郊子曰炎帝氏以火紀故爲火師而火名杜預注曰炎音神農

氏姜姓之祖也有火瑞以火紀事名百官也

春秋命歷序曰有神人名石年倉色大眉戴玉理日月清

序故神應平氣以生也玉理猶玉英玉勝也駕六龍出地輔號皇神農始立地

形甄度四海東西九十萬里南北八十一萬里所爲如此其教如神

農植樹木使民粒食故天下號曰皇神農也甄紀地形遠近山川林澤所至

太平御覽 卷七十八 七

孝經鉤命訣曰任已感龍生帝魁任已帝魁之母也魁神農名已或作似也

典畧曰武王伐紂封神農之後于譙

文子曰赤帝爲火災故黃帝擒之

越絕書曰神農不食天下而天下共富之不以其智自貴

於人而天下共尊之

莊子曰如北遊篇柯荷甘與神農同學於老龍吉神農隱

几闔戶晝瞑柯荷甘日中麥戶而入曰老龍死矣神農隱

几擁杖而起暴然放杖而笑曰天知余僻陋慢訥故棄子

而死已矣夫子無所發予之狂言而死已夫悟死不足驚

故還放杖而嘯

尸子曰神農氏夫負妻載以治天下堯曰朕之比神農猶

日與昏也

又曰神農氏七十世有天下豈每世賢哉牧民易也

淮南子修務訓曰古者民茹草飲水採樹木之實食羸蝻
之肉時多疹病毒傷之害於是神農乃始教民播種五穀
相土地之宜燥濕肥瘠高下嘗百草之滋味水泉之甘苦
令民知所避就當此之時一日而遇七十毒

又曰神農之治天下也神農馳于胷中知不出於四域懷
其神試之心甘雨以時五穀播植春生夏長秋收冬藏日
省時考終歲獻貢以時常穀祀于明堂之制有善而無惡
風雨不能襲燥濕不能傷養民以公其民樸重端慤不忿
爭而財足不勞形而成功因天地之資資而與之和同是
太平御覽

卷七十八

八

故威利而不試刑措而不用法省而不煩教化如神其地
南至交趾北至幽都東至陽谷西至三危莫不聽從當此
之時法寬刑緩囹圄空虛而天下一俗莫懷姦心

又曰神農皇神襲九空

九空九天也
九望九地也

神農本草曰神農稽

首再拜問於太七小子曰曾聞之時壽過百歲而殂落之
咎獨何氣使然也太七小子曰天有九門中道最良神農
乃從其嗜藥以拯救人命

周書曰神農之時天雨之粟神農耕而種之陶冶斤斧爲
耒耜鉏耨以墾黃莽然後五穀興

呂氏春秋曰神農教曰土有當年不耕者則天下或受其

饑矣女有當年不績者則天下或受其寒矣故夫觀耕耨

賈誼書曰神農以爲走獸難以久養民乃求可食之物嗜百草實察鹹苦之味教民食穀

陸景典畧曰神農嗜百草嗜五穀蒸民乃粒食

荊州圖記曰永陽縣西北二百三十里厲鄉縣東有石穴昔神農生于厲鄉縣禮所謂烈山氏也後春秋時爲厲國穴高三十丈長二百丈謂之神農穴

太平御覽

卷七十八

九

太平御覽卷第七十九

皇王部四

黃帝軒轅氏

少昊金天氏

顓頊高陽氏

黃帝軒轅氏

史記曰黃帝者少典之子姓公孫名軒轅天下有不順者從而征之未嘗寧居東至于海登丸山及岱宗西至崆峒登雞頭南至于江登熊湘北逐葷粥合符釜山而邑于涿鹿之阿遷徙往來無常處以師兵爲營衛官名皆以雲命爲雲師置左右大監監于萬國獲寶鼎迎日推策舉風后力牧常先大鴻以治民有上德之瑞故號曰黃帝二十五

太平御覽

卷七十九

一

子其得姓者十四人黃帝居軒轅之巨而娶于西林之女是爲螺音螺祖爲正妃生二子其後皆有天下其一曰立翬

是爲青陽降居江水其二曰昌意降居若水昌意娶蜀山氏女曰昌僕生高陽高陽有聖德焉黃帝崩塋橋山其孫昌意之子高陽立是爲帝顓頊

又封禪書曰黃帝采首山銅鑄鼎于荆山下鼎既成有龍垂胡鬣下迎黃帝黃帝上騎羣臣後宮從上者七十餘人龍乃上去餘小臣不得上乃悉持龍鬣龍鬣扳墮墮帝之弓百姓仰望帝既上乃抱其弓與胡鬣號故後世因名其處曰鼎湖其弓曰烏號

又曰漢武帝遂北巡朔方還祭黃帝冢曰吾聞黃帝不死

今有塚何也或對曰黃帝已仙上天羣臣葬其衣冠耳
帝王世紀曰黃帝有熊氏少典之子姬姓也母曰附寶其
先卽炎帝母家有喬氏之女世與少典氏壻故國語兼稱
焉卽禘農氏之末少典氏又取附寶見大電光繞北斗樞
星照郊野感附寶孕二十五月生黃帝於壽邱長子姬水
龍顏有盛德受國于有熊居軒轅之巨故因以爲名又以
爲號與神農氏戰於阪泉之野三戰而克之力牧常先大
鴻神農皇鉅封真人鎮大山稽鬼吏區封胡孝甲等或以
爲師或以爲將分掌四方各如己視故號曰黃帝四佐
使岐伯嘗嚐百草與醫療疾今經方本草之書咸出焉其
史蒼頡又取像鳥跡始作文字史官之作蓋自此始記其

太平御覽

卷七十九

一

言行策而藏之名曰書契黃帝亦號帝鴻氏或曰歸藏氏
或曰帝軒氏姬姓有四妃二十五子在位百年而崩年百
一十歲

又曰神農氏衰黃帝修德化民諸侯歸之黃帝於是乃擾
馴猛獸與神農氏戰于阪泉之野三戰而克之及徵諸侯
使力牧神皇直討蚩尤氏擒之于涿鹿之野使應龍殺之
于凶黎之巨凡五十五戰而天下大服或以傳爲仙或言
壽三百歲葬於上郡陽周之喬山

鷲子曰黃帝年十歲知神農之非而改其政

春秋內事曰軒轅氏以土德王天下始有堂室高陳深雨

以避風雨

孝經鉤命訣曰附寶出降大靈生帝軒

附寶帝軒母也電黃精軒穰氣也軒

堯帝名附
或作付也

古史考曰有熊氏己姓或曰姓公孫

山海經曰有人衣青名曰黃帝女妖

青魅也

蚩尤作兵伐

黃帝黃帝乃令應龍攻之冀州之野

冀州中土

應龍蓄水蚩尤

請風伯雨師從大風雨黃帝乃下天女曰妖雨止遂殺蚩

尤

歸藏曰昔黃帝與炎神爭鬪涿鹿之野將戰筮於巫巫咸

曰果哉而有咎

易卦繫曰黃帝垂衣裳而天下治蓋取諸乾坤

河圖掘拒曰黃帝名軒北斗黃帝之精母地祇之女附寶

太平御覽

卷七十九

三

之郊野大電繞斗樞星耀感附寶軒曾文曰黃帝子

河圖挺佐輔曰黃帝修德立義天下大治乃召天老而問

焉余夢見兩龍挺白圖卽帝以授余河之都覺昧素善不

知其理敢問于子天老曰河出龍圖雒出龜書紀帝錄列

聖人^之紀姓^歲典謀治平然後鳳凰處之今鳳凰以下三

百六十日矣古之圖紀天其授帝圖乎黃帝乃祓齋七日

衣黃衣冠黃冕駕黃龍之乘戴蛟龍之旗天老五聖皆從

以遊河洛之間求所夢見之者^{勿得}至於翠嬀之淵大鱷

魚沂流而至乃問天老曰子見夫中河流者乎曰見之顧

問五聖皆曰莫見乃辭左右獨與天老跪而迎之五色華

具天老以授黃帝舒視之名曰錄圖

龍魚河圖曰黃帝負圖鱗甲成字從河中出付黃帝令侍
臣自寫以示天下

又曰黃帝攝政時有蚩尤兄弟八十一人並獸身人語銅
頭鐵額食沙石子造立兵仗刀戰大弩威振天下誅殺無
道不仁不慈萬民欲令黃帝行天子事黃帝仁義不能禁
止蚩尤遂不敵仰天而嘆天遣玄女下授黃帝兵信神符
制伏蚩尤以制八方蚩尤歿後天下復擾亂不寧黃帝遂
畫蚩尤形像以威天下天下或謂蚩尤不死八方萬邦皆
為彌伏

向書中侯曰帝軒提像配永循環軒轅黃帝名承長也循
之象配而行之以長天地體通五行期化體美也天地美
為順非機為政焉氣應四時之變

太平御覽 卷七十九 四

河出龍圖洛出龜書曰威赤文像字以授軒轅

韓詩外傳曰黃帝召天老而問鳳像何如天老曰夫鳳像
鴻前而鱗後蛇頭而魚尾龍文而雞身燕頰而雞喙黃帝
乃齊於中宮鳳蔽日而至黃帝降于東階西面再拜稽首
黃帝降社敢不承命鳳乃上帝東園

詩含神霧曰大電繞樞炤郊野感附寶生黃帝

大戴禮曰宰我問於孔子曰昔者子聞諸榮伊合黃帝三
百年請問黃帝者人邪抑非人邪何以至于三百年乎孔
子曰黃帝少典之子也曰軒轅生而神靈弱而能言幼而
慧齊長而敦敏成而聰明治五氣設五量撫萬民度四方

教熊羆貔豹虎以與赤帝戰于阪泉之野三戰然後得行

其志黃帝黼黻衣大帶黼裳乘龍駕雲以順天地之紀幽明之故死生之說存亡之難時播百穀草木故教化淳鳥獸昆蟲歷離日月星辰極畋土石金玉勞心力耳目節用水火財物生而民得其利百年死而民畏其神百年亡而民用其教百年故曰三百年

傳曰黃帝以雲紀故爲雲師而雲名

春秋元命苞曰黃帝龍顏得天庭陽上法中宿取象文昌

戴天履陰秉數制剛

顏有龍深似軒轅也度陽天宮位也戰天文在首腹陰海字在下也制剛紀也紀在四輔也

管子曰黃帝得蚩尤而明乎天道得太常而察乎地利得蒼龍而辨乎東方得祝融而辨乎南方得大封而辨乎西方得后土而辨乎北方黃帝得六合相天下治

太平御覽

卷七十九

五

又曰黃帝鑽燧生火以熟葷臊民食之無腸胃之病

列子曰黃帝卽位十有五年竭聰明進智力營百姓焦然

肌色疢

古厚切

黥昏然五情爽惑

用聰明未足以致治祇足以亂神也

黃帝乃

喟然嘆曰朕之過淫矣

淫當作深

養一己其患如此治萬物其

患如此

惟任而不養縱而不治則性命自全天下自安

於是放萬機合宮寢去直

侍撤鍾懸減厨膳退而閑居大庭之館齋心服形三月不

親政事晝寢而夢遊於華胥氏國華胥氏國在弇州之西

台州之北不如斯齊國幾千萬里

斯神也齊中也

蓋非車舟足力

之所及神遊而已黃帝再拜稽首曰廣成子之謂天矣

尸子曰子貢曰古者黃帝四面信乎孔子曰黃帝取合己

者四人使治四方不計而耕不約而成此之謂四面

韓子曰師曠謂晉平公曰黃帝合鬼神于西泰山之上駕象車交六龍畢方並館蚩尤居前風伯進掃雨師灑道乃作爲清角之樂

淮南子曰昔者黃帝治天下而力收泰山稽輔之以治日月之行律治陰陽之氣節四時之度正歷律之數明上下尊卑貴賤使強不掩弱衆不暴寡人民保命而不夭歲時熟而不凶百官正而無私上下調而無尤法令明而不闇輔佐公而不阿卿士公正不阿意曲從田者不侵畔魚者不爭隈道

不拾遺市不預價城郭不閉邑無盜賊商旅之人相讓以財狗彘吐菽粟于路而無忿爭之心於是日月精明星辰不失其道風雨時節五穀登熟虎豹不妄噬鸞鳥不妄搏

太平御覽

卷七十九

六

鳳凰翔於庭麒麟遊於郊青龍進駕飛黃伏皂

飛黃出西方其狀如

狐背上有角乘之壽千歲地極也

諸北僮耳之國莫不獻其貢職

論衡曰謚法靖民則法曰皇德象天地曰帝皇帝者安民之謚非得道之稱也

蔣子萬機論曰黃帝之物養性養民不好戰伐而四帝各以方色稱號交其謀之邊城日驚介冑不釋黃帝歎曰君危於上民安於下主失于國其臣再嫁厥疾之由非養寇耶今取氏萌之上而四道亢衡遞震于師於是遂師營壘以滅四帝向令黃帝若不龍驤虎變而與俗同道則其民臣亦嫁于四帝矣

抱朴子曰黃帝生而能言役使百靈可謂天授自然之術

者猶復不敢端生而得道故涉王屋而受丹經到鼎湖而飛流珠至崆峒而問廣成上具茨而事大隗適東岱而奉中黃入金谷而咨老子論道養則質玄素二女精推步則形誕敷厥訓彝倫攸經德從風流化與雲征皇猷久塞地平天成爰登方岳封禪勅成紛然鳳舉龍騰太清違茲九土陟彼高冥民斯攸慕涕泗沾纓遐而不墜式頌德聲有巢氏已降至黃帝爲三皇號中宮

少昊金天氏

帝王世紀曰少昊帝名摯字青陽姬姓也母曰女節黃帝時有大星如虹下流華渚女節夢接之意感生少昊是爲立囂降居江水有聖德邑于窮桑以登帝位都曲阜故或

太平御覽

卷七十九

七

謂之窮桑帝以金承土卽圖讖所謂白帝朱宣者也故稱少昊號金天氏在位百年而崩

河圖曰火星如虹下流華渚女節氣感生白帝朱宣

宋均注曰

朱宣少昊氏也

古史考曰窮桑氏嬴姓也以金德王故號金天氏或曰師太昊之道故曰少昊

遁甲開山圖曰少昊死葦雲陽山

傳曰魯昭公十七年郟子來朝昭子問曰少皞氏鳥名官何故也郟子曰我高祖少皞摯之立也鳳鳥適至故紀於鳥爲鳥師而鳥名鳳鳥氏歷正也玄鳥氏司分者也伯趙

氏司主者也青鳥氏司啟者也丹鳥氏司閉者也祝鳩氏

司徒也。鵠鳩氏司馬也。鵠鳩氏司空也。爽鳩氏司寇也。鵠鳩氏司事也。五鳩鳩氏者也。五雉爲五工。正利器用。正度量。夷民者也。九扈爲九農。正扈民無淫者也。

魏曹植少昊贊曰。祖自軒轅青陽之裔。金德承土儀。鳳帝世官。號鳥名。殊職別系。農正扈氏各有品制。

顓頊高陽氏

史記曰。顓頊靜淵以有謀。疏通而知事。養材以任地。載時以像天。依鬼神以制義。泊氣以教化。潔誠以祭祀。生子曰窮蟬。顓頊崩而玄囂之孫高辛立。是爲帝嚳。

古史考曰。高陽氏姬姓。以水德王。

帝王世紀曰。帝顓頊高陽氏黃帝之孫昌意之子。姬姓也。

太平御覽

卷七十九

八

母曰景僕。蜀山氏女。爲昌意正妃。謂之女樞。金天氏之末女。樞生顓頊。於若水。首戴干戈。有聖德。父昌意。雖黃帝之嫡。以德劣降居。若水爲諸侯。及顓頊生。十年而佐少昊。十二年而冠。二十二而登帝位。平九黎之亂。以水事紀官。命南正重司天。以屬神。北正黎司地。以屬民。于是民神不雜。萬物有序。始都窮桑。徙商。命飛龍。効八風之音。作樂五英。以祭上帝。納勝墳氏女。嫁生老童。有材子八人。號八凱。顓頊在位七十八年。年九十一歲。歲在鶉火。而崩。葬東郡頓丘。廣陽里。

河圖曰。瑤光之星如蜺。貫月正曰樞。幽房之宮。生黑帝。顓頊。

大戴禮曰宰我曰請問帝顓頊孔子曰顓頊黃帝之孫昌意之子也乘龍而至四海北至于幽陵南至于交趾西濟于流沙東至于蟠木動靜之物大小之神日月所照莫不砥礪

春秋元命苞曰顓頊併幹上法月參集威成紀以理陰陽併猶重也水精主月參伐主斬刈成功兼此月職反助費以爲表

山海經曰顓頊死卽復蘇

又曰黃帝妻雷祖生昌意郭曰世本云黃帝取于西陵氏之子謂之累祖壘青陽及昌意

昌意降處若水生韓流符書云昌意降居若水產帝乾荒乾荒卽韓流也韓流擢

首謹耳人面豕喙麟身渠股豚上取淖子曰阿女生帝顓

頊

太平御覽

卷七十九

九

淮南子曰顓頊之法婦人不避男子于路者拔之於路而

達之衢破音拂除其不祥

魏曹植頌帝贊曰昌意之子祖自軒轅始誅九黎水德統

天以國爲號風化神宣威暢八極靡不祗虔

太平御覽卷第八十

皇王部五

帝嚳高辛氏

帝摯

帝堯陶唐氏

帝嚳高辛氏

史記曰帝嚳高辛者黃帝之曾孫也父曰蟜極蟜極父曰
玄囂玄囂父曰黃帝自玄囂與蟜極皆不得在位至高辛
卽位高辛於顓頊爲族子其色郁郁其德嶷嶷日月所照
風雨所至莫不服從帝嚳娶陳鋒氏女生放助娶媯訾氏
女生摯帝嚳崩而摯代立

帝王世紀曰帝嚳高辛氏姬姓也其母不見生而神異自
言其名曰遂齟齒有聖德年十五而在顓頊三十登帝位

太平御覽

卷八十

一

都亳以人事紀官故以勾芒爲木正祝融爲火正蓐收爲
金正玄冥爲水正后土爲土正是五行之官分職而治諸
侯于是化被天下遂作樂六莖以康位世有才子八人號
曰八元亦納四妃卜其子皆有天下元妃有邠氏女曰姜
嫄生后稷次有娥氏女曰簡翟生高次陳豐氏女曰慶都
生放勳次媯訾氏女曰常儀生帝摯帝嚳在位七十五年
一百五歲而崩葬東郡頓丘廣陽里

陶宏景云在位六
十三年年九十二

大戴禮曰宰我曰請問帝嚳孔子曰玄囂之孫蟜極之子
也曰高辛氏生而神靈自言其名取地之財而節用之撫
教萬民而利誨之歷日月而迎送之明鬼神而敬事之其

色郁郁其德嶷嶷其動也時其服也土春夏乘龍秋冬乘

馬黃黼黻衣執中而獲天下

禮記祭法曰帝嚳能序星辰以著衆

春秋元命苞曰帝嚳戴干是謂清明發節移蓋像招搖

干

也招搖爲天戈楯相副戴之像見天下以爲表

古史考曰高辛氏或曰房姓以木德王

張顯析言曰高辛氏初生自言其名其居民終無迷謬

魏陳王曹植帝嚳贊曰祖自軒轅玄囂之裔生言其名木

德帝世撫寧天地神靈察物教弭四海明並日月

帝摯

帝王世紀曰帝摯之母於四人之中其班最下而摯年兄

弟最長故得登帝位封異母弟放勳爲唐侯摯在位九年

太平御覽

卷八十一

一一

政軟弱而唐侯德盛諸侯歸之摯服其義乃率其羣臣造

唐朝而致禪因委志心願爲臣唐侯於是知有天命乃受

帝禪而封摯於高辛氏事不經見漢故議郎東海衛宏所

傳云耳

帝堯陶唐氏

帝王世紀曰帝堯陶唐氏祁姓也母曰慶都孕十四月而

生堯於丹陵名曰放勳或從母姓伊祁氏年十五而佐帝

摯授封於唐爲諸侯身長十尺常夢攀天而上故年二十

而登帝位以火承水都平陽置敢諫之鼓天下大和命羲

和四子羲仲羲叔和仲和叔分掌四嶽諸侯有苗氏處南

蠻而不服堯征而克之於丹水之浦乃以尹壽許由爲師

命伯夔放山川谿谷之音作樂六章天下大和百姓無事
有八十老人擊壤於道觀者嘆曰大哉帝之德也老人曰
吾日出而作日入而息鑿井而飲耕田而食帝何力於我
哉有饑餓氏來貢沼羽厨中自生肉脯如髮形搖彭自生
風使物食寒而不臭名曰嬰脯又有草夾階而生隨月生
死王者以是占日月之數惟盛德之君應和而生故堯有
之名曰蕞莢一名歷莢始封稷契咎繇褒進伯禹納舜于
大麓後年二月又率羣臣刻璧爲書東沉于洛言天命當
傳舜之意今中候運衡之篇是也舜攝政二十八年堯與
方迴遊陽城而崩尙書所謂二十有八載放助乃殂落是
也百姓如喪考妣三載四海遏密八音凡堯卽位九十八

太平御覽

卷八十

三

年年百一十八歲黑子以爲堯堂高三尺土階三等堯取
散宜氏女曰女皇生丹朱又有庶子九人皆不肖故以天
命舜又曰帝堯氏始封于唐今中山唐縣是也堯山在
北唐水在西比入河南有望都縣有都山卽堯母慶都之
所居也相去五十里都山一名豆山北登堯山南望都山
故名其縣曰望都

春秋合城圖曰堯母慶都有名於世蓋大帝之女生于斗
維之野常在三河之南天地大雷電有血流潤大石之中
生慶都長大形像大帝常有黃雲覆蓋之夢食不飢及年
二十寄伊長孺家出觀三河之首常若有神隨之者

三河之首

東河

北有赤龍負圖出慶都讀之赤舜天運

運錄

下有圖人

衣赤光面八彩鬚鬢長七尺二寸銳上豐下足履翼翼

曰赤帝起誠天下不亦光像而又著衣也八彩彩色有

天七奄然陰風雨赤龍與慶都合婚有娠龍消不見范秉

十也故光房風乃龍至也婚猶合會或為結也既視貌堯如圖表及堯有知慶都以

圖子堯如圖人儀表也

孝經援神契曰堯鳥庭荷勝八眉堯大睛人也鳥庭庭有

微庭也朱為戴聖荷勝似之八眉影也有八

論語曰大哉堯之為君也巍巍乎唯天為大唯堯則之安孔

國曰則法也美堯則法天而行之也蕩蕩乎民無能名焉湯蕩廣遠之稱言布德廣遠民無能

名巍巍乎其有成功也功成化隆煥乎其有文章

孔叢子曰堯身修十尺眉乃八彩實理也

太平御覽 卷八十

龍魚河圖曰堯時與羣臣賢者到翠嶠之淵大龜負圖來

出授堯勅臣下寫取畢龜還水中

易坤靈圖曰其母崩去玄雲入戶蛟龍守門母為慶都也天皇之女天

帝之玄雲故曰時乘六龍以御天也

又曰堯之精陽萬物莫不從者言堯在天帝必有洪水之

災天生聖人使救之故言乃統天也

堯典曰若稽古帝堯孔安國曰若順稽考也能曰放勳欽

明文思安安勳功欽敬也言堯放上世之功化而以允恭

克讓光被四表格于上下允信克能光充格至也既有四

四外至于天地既已也百姓幾內民也言百姓昭昭協和

既睦平章百姓既已也百姓幾內民也言百姓昭昭協和

萬邦黎民於變時雍

昭亦明也協合黎衆時是雍和也言天下衆民皆變和從上是以風俗大

和

尙書中侯曰帝堯卽政也十載星景出翼鳳凰止庭

鄭玄注

翼朱鳥宿

朱草生郊嘉禾孳連甘露潤液醴泉出山

朱草可以染服者嘉

美也音序曰唐叔

得禾異畝同類

修壇河雒榮光起河雘氣四塞

休是也榮光五

色從河出美氣四塞炫耀爛爛也

白雲起回風搖龍馬衛甲赤文綠也

像馬也赤縹怒之使也甲所

臨壇止鬻吐甲圖而帶定

以藏圖赤文色而縹地也

又曰中侯運行曰帝堯刻璧率羣臣東沉于雒書天子臣

故勲德薄施行不元

元善也

尙書大傳曰堯八眉舜四瞳子八者如八字也

太平御覽

卷八十

五

又曰堯舜之王天下一人不刑而四海治

春秋元命苞曰堯眉八彩是謂通明歷象日月璇璣玉衡

大戴禮曰宰我曰請問帝堯孔子曰高辛之子也曰放勳

其仁如天其智如神就之如日望之如雲高而不驕貴而

不預黃黼黻衣丹車白馬

六韜曰太公曰帝堯王天下之時金銀珠玉不飾錦繡文

綺不衣奇怪珍異不視玩好之器不寶淫佚之樂不聽宮

垣屋室不堊色桶榱柱楹不藻飾茅茨之蓋弗剪齊黻衣

絰履不樊盡不更爲也滋味重累勿食也溫飯煖羹不酸

餒不易也不以私曲之故留耕種之時削心約志從事默

子焉其自爲奉也甚薄其賦役也甚寡故萬民富樂而無

饑寒之色

莊子曰昔堯之治天下也使天下人欣欣焉人樂其性是不括也

又曰堯治天下之民平海內之政往見四子於姑射之山
窅然喪其天下

四子許由 齋缺 被衣 王見也 窅然猶幽然 自失之貌 言堯以有事之嗜於無為之人

故以無所用也

又曰堯觀於華封華封人曰嘻請祝聖人使聖人壽使聖

人富使聖人多男子堯曰多男子則多懼多富則多事多
壽則多辱封人曰夫聖人鶉居而鷃

音扣

食鳥行而無章天

下有道則與物皆昌天下則修德就閑于歲厭世去而上
仙乘彼白雲至於帝鄉三患莫至身常無殃

天地無繇

太平御覽

卷八十

七六

又曰堯治天下伯成子高立為諸侯及堯授舜舜授禹伯
成子高辭為諸侯而耕禹往見之曰堯治天下吾子立為
諸侯堯授舜舜授余吾子辭而耕敢問何也子高曰昔堯
治天下不賞而民勸不罰而民畏子今賞罰而民且不仁
德自此衰刑自此立後世之亂自此始矣無落吾事俛俛

音乎耕而不顧

天地無繇

尸子曰人君之有天下者瑤臺九壘而堯白屋黼衣九種
而堯大布宮中三市而堯鶉居珍羞百種而堯糲飯菜粥

麒麟青龍而堯素車樸馬

又曰堯舜有天下四海之內皆治而丹朱商均不與焉而

謂皆治者衆也

又曰舜授天下顏色不變堯以天下與舜顏色不變知天無能損益於己也

又曰人戴冠躡履譽堯非桀敬士侮慢故敬譽之譽毀知非其取也

韓子曰堯之王天下冬日鹿裘夏日葛衣茅茨不剪桐椽不斲橛梁之食藜藿之羹雖監門之養不敵于此矣

又曰由余謂秦穆公曰昔堯有天下飯于土軌飲于土型其土南至交阯北至幽都東西日月所出入者無不賓服

呂氏春秋曰堯有子十八人不與其子而授舜孟子曰堯使九男二

女事舜也

又曰堯以天下讓于子州支父對曰以我爲天子猶之可

太平御覽

卷八十

七

也雖然我適有幽憂之病方將治之未暇治天下也幽隱也詩

云如有隱憂

淮南子曰堯之治天下也舜爲司徒契爲司馬禹爲司空

后稷爲大田師奚仲爲工其導萬民也水處者木谷處者牧陸處者農地宜其事事宜其械械其用用宜其大澤阜

織網陵阪耕田得以所有易所無以工易所拙是故離叛者寡而聽從者衆譬若播碁於地員者走屋方者處高各

從其所安

又曰人之所以樂爲天子者以其窮耳目之欲而適身體之便也今高臺層榭人之所麗也而堯采椽不斲斥澶不

斲言梁柱相斥距不斲研澶也珍怪奇味人之所美也而堯糲梁之飯

藜藿之羹文錦狐白人之所好也而堯布衣掩形鹿裘禦寒養生之具不加厚而增之以大任重之以憂故舉天下而傳之舜若解重負然非直辭讓也

又曰治天下政教平德潤洽在位七十載乃求所屬天下之統合四嶽明揚側陋曰嶽舉舜而薦之堯堯乃妻二女以觀其內任以百官以觀其外既入大麓烈風雷雨不迷

材屬于川曰麓堯使舜入林麓之中遭大風雨不迷也

乃屬以九子堯有九男贈以昭華

之玉而傳天下焉

又曰堯之有天下也非貪萬民之富也而寧人主之位也以爲萬姓力屈強弱相乘衆寡相暴于是堯乃身服節儉之行而明愛之仁以和輯之是故茅茨而不剝採椽而不

太平御覽

卷八十

八

斲大輅不畫

大輅天子車也

越席不緣

越席東浦席也

大羹不和

無有味也

粢

飯不鑿巡狩行教動勞天下周流五嶽豈其奉養不足樂哉舉天下以爲社稷非有利焉年衰志閔舉天下之重而傳之舜也猶却行而釋蹤也

又曰堯之時十日並出焦禾穗殺草木而民無所食窳窳

鑿齒九嬰大風修蛇封豕皆爲民害堯乃使羿誅鑿齒于

疇華之澤

疇華南方澤也鑿齒待獸者北狄之地有凶水者也

殺九嬰於凶水之上

石磧繳繫矢射

石磧繳繫矢射

上射十日

羿射日墜

而下殺窳

窳音窳狀

○

之青丘東方澤

之青丘東方澤

斬修蛇于洞庭

洞庭南方澤也其蛇食

象三歲而其骨出也

禽

人齒食人也

唐

封豕于桑林

封豕大蛇也桑

萬民皆喜置堯爲天子也

○

禽

封豕于桑林

封豕大蛇也桑

萬民皆喜置堯爲天子也

○

禽

禽

又曰堯王天下而憂不解授舜而憂乃釋

說苑曰河間獻王曰堯存心于天下有一人饑曰我饑之也有一人寒曰我寒之也一民有罪曰我陷之也仁昭而義立德博而化廣故不賞而人勸不罰而人懼先生後殺是堯道也

楊子法言曰堯能則天者以其能臣二聖二聖舜禹也

又曰堯舜之德輕于鴻毛

潛夫論曰堯舜之德譬猶偶燭施明于幽室也前燭照之後燭益明非前燭昧後燭彰也乃二燭相因而成大光

荀悅申鑒曰思唐虞於上世瞻仲尼于中古乃知小道足羞也

太平御覽

卷八十

九

譙子法訓曰唐虞之衣裳文法禹稷之溝洫耕稼人至今被之

袁子法曰書堯避舜于齊陰令定

堯冢信乎

符子曰許由謂堯曰坐于華殿之上而雙闕之下君之榮願亦已足矣夫堯曰予坐華殿之上森然而松生棟余立於櫺扉之內霏焉而雲生于牖雖而雙闕無異乎崔嵬之冠蓬萊雖背墉郭無異乎迴蠻之縈崑崙予安知其所以安榮鄒析言曰古詩云堯舜至聖身知脯腊桀紂無道肌膚二尺

夢書曰堯夢乘龍上天舜夢擊天鼓

續述征記曰城陽縣有堯塚自漢晉二千石及承尉刑名

甚衆堯卽位至永嘉三年二千七百二十有一載記于堯碑

魏陳王曹植帝堯贊曰火德統位父則高辛克流共工萬國同塵調適陰陽其惠如春巍巍成功配則天神

太平御覽

卷八十

十

太平御覽卷第八十終

帝舜有虞氏

史記曰虞舜名重華冀州人也作什器于壽丘就時於夏夏舜父頑母嚳弟傲皆欲殺不可得卽求在側舜耕歷山歷山之人皆讓畔漁雷澤雷澤之人皆讓居陶河濱河濱器不苦窳堯乃賜舜絺衣與琴爲築倉廩與牛羊舜舉八凱使主后土以揆百事舉八元使布五教於四方皐陶爲大理平民各伏得其實伯夷主禮上下咸讓垂主工師百工致功益主虞山澤辟棄主稷百穀時茂契主司徒百姓親和龍主賓客遠人至四海咸戴帝舜之功于是禹乃太平御覽

卷八十一

一

興九韶之樂鳳凰來翔舜年五十攝行天子事年五十八堯崩年六十一代堯踐帝位卽位三十九年南巡狩崩于蒼梧之野葬於江南九疑是爲零陵

帝王世紀曰舜姚姓也其先出自顓頊顓頊生窮蟬窮蟬有子曰敬康生句芒句芒有子曰橋牛橋牛生瞽瞍妻曰握登見大虹意感而生舜于姚墟故姓姚名重華字郁君龍顏大口黑色身長六尺一寸有聖德始遷於負夏敗于頓丘債于傳虛家本冀州每徙則百姓歸之其母早死瞽瞍更娶生象傲而父頑母嚳咸欲殺舜舜能和諧大杖則避小杖則舜年二十始以孝聞堯以二女娥皇女英妻之

見舜于貳宮設饗禮送爲賓主南面而問政爲司徒太尉

試以五典有大功二十夢眉長與髮等堯乃賜舜以昭華之玉老而命舜代己攝政明年正月上日始受終于文祖太尉行事堯崩三年喪畢以仲冬甲子月次於畢始卽真以土承火色尙黃乃詢四岳闢四門明四目達四聰東巡狩登南山觀河洛受圖書褒賜羣臣尊任伯禹稷契皋陶伯益地有苗氏負固不服禹請征之舜曰我德不厚行武非道也吾前教由未也乃修教三年執干戚而舞之有苗請服立誹謗之木申命九官十二牧及受戕朱虎熊羆等二十五人三載一考績黜陟幽明于是俊又在官羣后德讓百僚師師以五采章施於五色爲服以六律五聲八音協治用之和治蒸民乃粒萬邦作又庶績咸熙乃作大韶

太平御覽

卷八十一

之樂簫韶九成鳳凰來儀擊石拊石百獸率舞故孔子稱韶盡美矣又盡善也景星曜于房瑞畢臻德被天下初舜既踐帝位而父瞽瞍尙存戴天子車服而朝焉天下大之故曰大舜都于咸陽或管蒲阪媿汭嬪于虞故因號有虞氏二妃元妃娥皇無子次妃女英生商均次妃登北氏氏二女霄明燭光有庶子八人皆不肖故以天下禪禹舜年八十卽真八十三而薦禹九十五而使禹攝政攝五年有苗氏叛南征崩于鳴條年百歲嬪以瓦棺塋于蒼梧九嶷山之陽是爲零陵謂之紀市在今營道縣下有羣象爲之

耕維書靈淮聽曰有又方面

衡重華

衡有骨表如日也
眉上曰衡重華重

握石椎懷神珠推讀曰鑿鑿千鈞重也握謂知玉衡之道懷神珠喻有聖性也璿璣玉衡

以齊七政歷象日月星辰正月上日舜受終鳳凰儀黃龍

感朱草生萇莢孳西王母授益地圖西王母得益地之圖來獻

尚書舜典曰慎徽五典五典克從納於百揆百揆時序賓

於四門四門穆穆納於大麓烈風雷雨弗迷帝曰格爾舜

詢事考言乃言底可績三載汝陟帝位

尚書帝命驗曰虞舜聖在側陋光耀顯都握石椎懷神珠

作神聖性

尚書中侯考河命曰帝舜曰朕惟不父萇莢浮百獸鳳晨

黃莢浮著萌百獸率舞鳳凰可晨也

又曰若稽古帝舜曰重華欽翼皇象真奉也象歷也舜敬亦皇天之歷數也

太平御覽 卷八十一

得失

又曰舜至于下稷榮光休至稷讀曰側下之側日西之時休美也榮光氣也

黃龍負卷館圖出水壇畔赤文綠錯錯分也去册以綠色分其間

尚書大傳曰舜不登而高不行而遠

又虞夏傳曰維元祀巡狩四嶽八伯克如得義和命為六卿主春夏秋冬并掌

方嶽之事是為西嶽出則為伯後乃分置八伯壇四奧沉四海祭水曰沉封十有二山

肇十有二州濬川

韓詩外傳曰昔大舜甌盆無臆面功不以巧獲罪

詩含神霧曰握登見大虹意感生帝舜

大戴禮曰宰我曰請問帝舜孔子曰犇牛之孫瞽瞍之子

也曰重華好學孝友聞於四方陶稼事親寬裕温良教而

知時畏天而愛民恤遠親親世以孝聞於天下三十在位嗣帝位三十九年乃死墓於蒼梧之野

禮記曰舜作五絃之琴以歌南風

又曰舜其大孝也與德為聖人尊為天子富有四海之內宗廟饗之子孫保之

又曰舜其大智也與舜好問而好察邇言隱惡而揚善執其兩端用其中于民其斯以為舜乎

邇近也近言而善易以進人察而行之也

兩端過與不及也用其中于民賢與不肖皆兼行之也斯此也其德如此乃號為舜舜之言克也

又曰子曰後世雖有作者虞帝勿可及也矣君天下生無私死不厚其子子民如父母有惻怛之愛有忠利之教

禮舍文嘉曰舜損己以安百姓

太平御覽

卷八十一

四

樂動聲儀曰孔子簫韶者舜之遺音也溫潤以和似南風之至其為音如寒暑風雨之動物如物之動人雷動獸合風雨動魚龍仁儀動君子財色動小人

言樂之動人也深故舉見事以為喻

是以聖人務其本

春秋演孔圖曰舜目四瞳謂之重明承乾乾踵堯海內富

庶也履其所行也

春秋運斗樞曰舜以太尉受號即位為天子五年二月東

巡狩至于中月與三公諸侯臨觀

太尉公官名唐虞五載一巡狩中日月半也臨

觀禮舟以也黃龍五彩負圖出置舜前圖以黃玉為印如

樞長三尺廣八寸厚一寸四合而連有戶

此含樞紐之命故龍印黃也四

合有積道相合也自玉檢黃金繩之為泥封兩端章曰

黃帝符璽五字廣袤各三寸深四分鳥文文字也四舜與

大司空禹臨侯望博等三十人集發大司空官名臨圖侯國氏望博名

玄色而綈狀可舒卷長三尺三寸廣九寸而如也三中有

七十二帝地衍之制天文官位度之差

孝經援神契曰舜龍顏重瞳大口手握袞龍顏取象車故有此骨表也

瞳取象重多精光也大口以象斗星又為天作古握袞手中袞字喻從勞苦起受袞飾致大位者也

論語曰舜有臣五人而天下治五人者禹稷契皋陶伯益

又曰無為而治者其舜也與夫何為哉恭己正南面而已

矣

論語撰考識曰堯舜昇登首山觀河渚有五老遊于河渚

相謂曰河圖將來告帝期五老流星上晷有須赤龍負玉

太平御覽 卷八十一

苞舒圖出堯與大舜等共發曰帝當樞百則禪虞百年而于舜

堯喟然歎曰咨爾舜天之歷數在爾躬

孔叢子曰舜身六尺有奇面頰無毛亦聖也

韓子曰歷山農者侵畔舜往耕期年而耕者讓畔河濱漁

者爭坻舜往漁菴年而漁者讓長東夷之陶者苦窳舜往

陶菴年而器以牢

墨子曰堯舉舜於服澤之陽

孟子曰雞鳴而起孳孳為善者舜之徒也雞鳴而起孳孳

為利者跖之徒也

又曰帝使其子九男事之二女女焉百官牛羊倉廩備以

養舜于畝畝之中後舉而加諸上位

又曰舜生于諸馮遷於負夏卒于鳴條東夷之人也諸馮鳴條皆地名也負夏在東夷之地故曰東夷之人也

又曰舜之飯糗茹草也若將終身焉及其為天子也被袞衣鼓琴二女果若固有之袞衣畫繪者也此言舜窮居之時若將終身及其為萬乘之主

被服繪綉若固帝自所有也分定使之然也

又曰舜之居深山之中與木石居與鹿豕遊其所以異於

深山之野人者幾希

又曰舜流共工于幽州放驩于崇山殺三苗于三危殛鯀于羽山四罪而天下咸服

又曰大舜有大焉善與人同舍己從人樂取於人以爲善自耕稼陶漁以至爲帝無非取于人者取諸人以爲善是

太平御覽 卷八十一 六

與人爲善者也故君子莫大乎與人爲善

又曰天下大悅而將歸已視天下悅而歸已猶草芥也唯

舜爲然舜不以天下歸已爲樂號泣於田也不得乎親不可以爲人不順乎

親不可以爲子舜盡事親之道而瞽瞍底豫瞽瞍底豫而

天下化瞽瞍底豫而天下之爲父子者定此之謂大孝

又曰堯崩三年之喪畢舜避堯之子於南河之南天下諸

侯朝覲者不之堯之子而之舜訟獄者不之堯之子而之

舜謳歌者不謳歌堯之子而謳歌舜故曰天也夫然後之

中國踐天子位焉

莊子曰羊肉不慕蟻蟻慕羊肉羊肉羶也舜有羶行百姓

悅之故三徙成都至鄧之墟十萬家堯聞舜之賢舉之童

土之地

土不生
草之地

曰冀得其來之澤

舜來施
恩澤也

又曰舜讓天下于善卷善卷曰予立於宇宙之中冬日衣皮毛夏日衣葛絺春耕種足以勞動秋收斂足以休食日出而作日入而息逍遙于天地之間而心意自得吾何以天下爲哉悲夫子之不知予也遂不受于是去而入深山莫知其處

又曰舜以天下讓其友北人無擇北人無擇曰異哉后之爲人也居於畎畝之中而遊堯之門不若是而已又欲以辱行漫我吾羞見之自投清冷之淵

尸子曰舜兼愛百姓務利天下其田歷山也荷彼耒耜耕彼南畝與四海俱有其利其漁雷澤也旱則爲耕者鑿瀆太平御覽

卷八十一

七

儉則爲獵者表虎故有光若日月天下歸之若父母

又曰舜南面而治天下天下太平燭于玉燭息於永風食于膏火飲於醴泉舜之行其猶河海乎千仞之溪亦滿焉由此觀之禹湯之功不足言也

又曰堯問于舜曰何事曰事天何任曰任地何務曰務人

又曰舜一徙成邑再徙成都三徙成國其致四方之士堯聞其賢徵之草茅之中與之語政至簡而易行與之語道廣大而不窮於是妻之以嬪勝之以娥九子事之而託天

下焉

又曰舜云從道必吉反道必凶如影如響也

又曰舜事親養老爲天下法其遊也得六人曰雒陶方回續牙伯陽東不識秦不空皆一國之賢者也

又曰昔者舜兩眸子是謂重明作事成法出言成章

又曰舜舉三后而四死除何爲飢渴寒暄勤勞鬪爭

又曰有虞之君天下也使天下貢善商周之君天下也使

天下貢財

公孫弘曰舜牧羊於黃河遇堯舉爲天子

陸賈新語曰舜藏黃金于嶄岩之山捐珠玉於五湖之淵

以塞淫邪之欲

淮南子曰舜之時共工振滔洪水

共工水官振動滔滂洪水也

以薄空

桑空桑地名在魯

龍門未開呂梁未發江淮通流四海溱溱民皆

太平御覽

卷八十一

八

上巳陵赴樹木舜乃使禹疏三江五湖關伊闕導灑澗平

通溝洫注之東海鴻水漏九州乾萬民皆寧其性

又曰昔者舜耕於歷山

歷山在濟陽城陽

期年而田者爭處磽确

以封畔肥

相讓也釣于河濱期年而漁者爭處滿瀨

滿瀨疾湍

瀨以曲隈深澗相與也

又曰舜作室築牆茨屋辟地令民皆去巖穴各有室家南

征三苗道死蒼梧

列子曰舜嘗駕五龍以騰唐衢武嘗服九駘以馳文塗此

上御也

徐幹中論曰小人恥其面不如子都君子恥其行不如舜

禹

杜夷幽求曰以舜禹之登庸孔氏之窮屈不似鼓鼈之與晨驥乎

符子曰舜禪夏禹於洞庭之野

呂氏春秋曰舜有九人不予其子授禹至公也

風土記曰舜東夷之人生于姚丘媯水之汭損石之東舊說言舜上虞人也虞卽會稽縣距餘姚七十里始寧上虞南鄉也後爲縣桃丘卽姚丘方相近也今吳北亭虞濱在小江裡縣復五十里對小江北岸臨江山有立石所謂損石者也斜角西南指俗呼爲薦公轉高石也

太平御覽

卷八十一

九

皇王部七

夏禹

帝啟

帝太康

帝仲康

帝相

有窮后羿

寒浞

帝少康

帝宁

帝隗

帝茫

帝泄

帝不降

帝局

帝厘

帝孔甲

帝臯


帝發

太平御覽

卷八十二

一

夏禹



史記曰夏禹名曰文命禹之父曰鯀鯀之父曰帝顓頊顓

頊之父曰昌意昌意之父曰黃帝帝堯之時洪水滔天浩

浩懷山襄陵下民其憂堯求能治水者羣臣四嶽皆曰鯀

可於是用鯀治水九年功用不成乃殛鯀于羽山堯崩舜

問四嶽曰有能成美堯之事者使居官皆曰伯禹為司空

可成美堯之功舜曰嗟然命禹汝平水土維是勉之禹拜

稽首讓於契后稷臯陶舜曰女其往視爾事矣禹為人敏

給克勤其德不違其仁可親其言可信聲為律身為度稱

以出臺壘穆穆為綱為紀禹乃遂與益后稷奉帝命命諸

侯百姓與人徒以傳尚書土行山表木定高山大川禹傷

先人之功不成受誅乃勞身焦思居外十三年過家門不

敢入陸行乘車水行乘船泥行乘橇孟康曰橇形如箕蹠行泥土如淳曰橇謂

以板置泥上山行乘橇徐廣曰橇音三遙反如淳曰橇車謂以缺如錐頭長半寸施之履下

以上下山開九州通九道陂九澤度九山舜崩三年喪畢

禹避舜之子商均於陽城天下諸侯皆去商均而朝禹禹

於是遂即天子位南面朝天下國號曰夏后姓姁氏禹東

巡狩至于會稽而崩

帝王世紀曰伯禹夏后氏姓姁也母曰修己見流星貢昂

夢接意感又吞神珠薏苡芻折而生禹于石匏虎鼻大口

兩鼻耳參漏首戴鈎鈴當胷有玉斗足文履已故名文命

字高密身長九尺二寸長于西羗而東夷卒也禹未登用

太平御覽

卷八十一

之時父既降在正庶有聖德夢自洗手河觀於河始受圖

括地象也圖言治水之意四嶽舉之舜進之堯堯命爲司

空繼繇治水乃勞身涉動不重徑尺之壁而愛日之寸陰

故世傳禹病偏枯足不相過至今巫稱禹步是也又納禮

手足胼砥賢士一沐三握髮一食三起堯美其績乃賜姓

姁氏封爲夏伯故謂之伯禹天下宗之謂大禹年二十始

用三十二而洪水平年百歲崩于會稽因葬會稽山陰縣

之南今山上有禹冢井祠下有羣鳥耘田

修己或云修己未詳

河圖握拒起曰帝命伯禹曰告汝九術五勝之常可以克

之汝能從之汝師徒將興雜書靈准聽曰有人謂禹也大口

兩耳參漏足文履已漏空也戊巳土之故首戴鈎鈴

表如
鉤鈴
賀懷玉斗
為有黑子如玉斗也
書曰禹別九州
其
圻隨山濬川
刊其木
任土作貢
任其土地
深其流
所有貢賦

又曰正月朔旦受命于神宗
受舜終事之命神宗及
官若帝之初
舜初攝
帝故事
率百

尚書帝命驗曰禹白帝精以星感
星金
精也
修己山行見流星
意感栗然生奴戎文禹
栗然感貌奴禹氏禹
生戎地一名政命

尚書旋璣鈴曰禹開龍門導積石決岷山治九貢
龍門積
石山

貢功也治九州之功

又曰禹開龍門導積石出玄珪出刻曰延喜玉受德天錫

佩
禹功既成天出玄珪以錫之古者以
德佩禹有治水功故天佩以玄玉

尚書中侯曰伯禹無庶
伯官稱禹號也因
為德誼庶人也
四嶽師舉薦之

太平御覽 卷八十二 三

帝堯
四嶽四方諸侯
握括命不試爵授司空
禹厘括地
象天已命

之故不復試以象官司空於周為
來卿掌制國之五溝行導水三事
伯禹稽首讓于益歸
首

拜頭至益歸賢
帝曰何斯若真
何不聽讓之辭斯此也
者堯臣歸讀曰夔

出爾命圖示乃天
爾女也禹方讓隱之故曰出汝所天命
河圖括地象示讀曰祗祗是也乃天使

汝治水非戎也

伯禹曰臣觀河伯面長人首魚身出曰吾河精也
觀河觀
於河水

也授臣河圖帶足入淵
河圖謂括地象
帶足去也音帶
伯禹拜辭
禹將行
故拜去

詩含神霧曰禹之興黑風會紀
黑力黑風風后並黃帝臣
復神伯禹當斯而至也

禮曰禹立三年百姓以仁遂焉

大戴禮曰宰我曰請問禹孔子曰高陽之孫鯀之子曰文

命敏給克濟其德不回其仁可親其言可信聲為律身為

度左準繩右規矩履四時據四海平九州戴九天明耳目治天下

禮含文嘉曰禹卑宮室垂意於溝洫百穀用成神龍至靈龜服玉女敬養天賜_妻

左傳曰禹會諸侯於塗山執玉帛者萬國

春秋孔演圖曰天命之見侯其門靈龜穴庭立龍御雲_{靈龜}

虛虎也穴庭者星入太微門立龍水精也御雲者蓋此召氣也

春秋元命苞曰禹之時民大樂其駢三聖相繼故樂夏名夏者大也

孝經鈞命訣曰命星貫昴修紀夢接生禹_{命使之星謂流星之星也}

遁甲開山圖曰禹遊於東海至得玉碧色長一尺二寸光

太平御覽

卷八十二

四

如日月自照達幽冥

楊雄蜀王本紀曰禹本沒山廣柔縣人生於石紐其地名

痢兒畔禹母吞珠孕禹折墻而生於縣塗山妻生子啟

紀年曰禹立四十五年

論語曰子曰禹吾無間然矣_{孔子推禹功德之盛也菲飲言不能復聞廁其間也}

食而致孝乎鬼神_{融曰菲薄也致孝鬼神祭祀豐潔也}惡衣服而致美乎

黻冕_{孔安國曰損其常服以盛祭}卑宮室而盡力乎溝洫_{方里為井闕井有溝溝深}

廣四尺十里為城城中有洫洫深廣八尺也

符子曰禹讓天下於奇子奇子曰君言佐舜勞矣鑿山川通河漢首無髮股無毛故舜也以勞報子我生而逸不能

為君之勞矣

越絕書曰禹始憂民救水到大越上茅山大會計爵有德封有功更名茅山謂之會稽及其王也巡狩大越

吳越春秋曰禹按黃帝中經歷蓋聖人所記曰在於九山

東南天柱號曰宛委赤帝在闕其岩之巔承以文玉覆以

盤石其書金簡青玉為字編以白銀禹乃東巡登衡嶽血

白馬以祭不幸所求夢見赤綉衣男子自稱玄夷倉水使

者曰欲得我山神書者齋三月庚子登山發石金簡之書

存矣齋三月更求之禹退文齋三月庚子登宛委山發金

簡之書得通水之理復返歸嶽乘四載以行川始于霍山

徊集五嶽巡行四瀆與益夔共謀行到名山大澤召其神

而問之山川脉理鳥獸昆蟲之類及八方之民俗殊國異

太平御覽 卷八十二 五

域土地里數使益疏記之名曰山海經

十洲記曰禹治洪水畢乃乘騎車到鍾山祠上帝於北河

歸大功於九天禹經諸侯五岳使工刻石識其里數高下

其字科斗書非漢人所了諸名山亦然

鷲子曰禹之治天下以五聲聽門懸鼓鐸鐘磬而置軺

于箕籬曰教寡人以道者擊鼓教寡人以義者鼓鐘教寡

人以事者振鐸語寡人以憂者擊磬語寡人以獄訟者揮

鞞此之謂五聲是以禹嘗據饋而七起日中不暇食于是

四海之士皆至

隋巢子曰昔三苗大亂天命殛之夏后受之大神降而輔

之司祿益食而民不飢司金益富而國家寶司命益年而

民不夭四方歸之

莊子曰昔者禹桴洪水親自操橐耜而滌天下之川無服
跋脛無毛沐甚雨櫛疾風置萬國禹大聖也而形勞天下
如此使後世之墨者多以裘褐爲衣以履屨爲服日夜不
依以自爲極曰不如能此非禹道也不足爲墨

孟子曰書曰洚水警余洚水者洪水也

書尙書逸篇水逆
行洚洞無涯故曰

洚水洪
大也

使禹治之禹掘地而注之海驅蛇龍而放之洚水

由地中行江淮河漢是也險阻既遠鳥獸之害人者消然

後人得平土而居之

堯使禹治洪水通九州故曰掘地而
注之海也洚澤生草者今青州謂澤

有草爲洚水流行於地而去之民人下高就平
土故遠險阻也水去故鳥獸害人者消盡也

尸子曰禹長頸烏喙面 貌亦惡天下從而賢之好學也

太平御覽

卷八十一

六

已

又曰古者龍門未闢呂梁未鑿禹於是疏河決江十年不
闢其家生偏枯之病步不相過人日禹步

黑子曰禹葬衣衾三領桐棺三寸葛以繡

補庚切

之下不及

泉上不通臭既葬收餘壤爲壑若叅耕之畝

韓子曰禹之王天下也身執木耒以爲民先服無完版體
無生雖臣虜之勞不若於此矣

呂氏春秋曰禹年三十未娶行塗山恐時暮失制乃娶塗

山女

又曰禹南濟乎江黃龍負舟舟中之人恐懼禹仰而笑曰

余受命於天竭力以濟萬民人受天也奈何憂於龍焉龍

弭耳低尾而逃

又曰昔者禹一沐而三握髮一食而三起以禮有道之士通乎己之不足通乎己之不足則不與物爭矣久曰禹之決江水也民聚瓦礫及其事已成功已立爲萬世利禹之所見者也遠而民莫知之

賈誼書曰禹常晝不暇食而夜不暇寢矣方是時憂務民也

淮南子曰昔者鯀作三仞之城諸侯倍之禹知天下叛之乃懷城平地散財物禁甲兵施之以德海外賓服四夷納職

又曰禹沐淫雨櫛疾風決江疏河鑿龍門闢伊闕修彭蠡

太平御覽

卷八十二

七

之汭乘四載隨山刊木平治水土定于百八國夙興夜寐以致聰明輕賦薄斂以寬民浞布德施惠以振困窮弔死問罪以養孤孀百姓親附政令流行

又曰禹爲水以身解於肝之河

解疇也陽
肝河在秦

又曰堯之時天下大水禹身執畚鍤以爲民先疏河而導

九支支分鑿江而通九路辟五湖而定東海

又曰禹之趨時冠挂而不顧履遺而不取

冠有所挂着
去不暇顧視

非

爭其先也爭其時也

說苑曰禹出見罪人下車問而泣之左右曰夫罪人不順道故使然焉君王何爲痛之至于此也禹曰堯舜之民皆以堯舜之心爲心今吾爲君百姓各自以其心爲心是以

痛之

抱朴子曰禹乘二龍郭之爲馭

黃帝玄女占法曰禹問於風后曰吾聞黃帝有勝負之圖
六甲陰陽之道今安在乎風后曰黃帝藏會稽之山下其
坎深千丈廣千尺鎮以盤石致難得也禹比見六子問海
口所出禹乃決江口鳴角會稽龍神爲見匱玉浮禹乃開
而視之中有天下經十二卷禹未及持之其四卷飛上天
禹不能得也其四卷復下陂池禹不能極也禹得中四卷
開而視之乃

魏陳王曹植夏禹贊曰吁嗟夫子拯世濟民克卑宮室致
孝鬼神蔬食薄服紱冕乃新厥德不回其誠可親亶亶其
太平御覽

卷八十二

八

德温温其仁尼稱無間何德之純

又禹治水贊曰嗟夫夏禹實勞水功西鑿龍門疏河導江
梁岐既闢九州以同天錫玄圭奄有萬邦

又禹渡河贊曰禹濟于河黃龍負船舟人並懼禹歎仰天
子受天運勤功恤民死亡命也龍乃弭身

周庚信禹渡江贊曰三江初鑿九谷新成風飛鷁漏水起
龍驚樂天知命無待憂生危舟遂靜亂楫還平

帝啟

歸藏曰昔夏后啟筮享神于大陵而上釣臺枚占臯陶曰
不吉

史記曰昔夏后啟筮乘龍以登于天占於臯陶曰吉而

同與神交通以身爲帝以王四鄉

又曰啟禹之子其母塗山氏之女也有扈氏不服啟伐之大戰于甘將戰作甘誓遂滅有扈天下咸歸朝

山海經曰大樂之野夏后啟咨於此舞九代馬乘兩龍雲蓋三層左手操鬻右手操壤珮玉橫在大運山北一日大道之野

帝王世紀曰啟升后十年舞九韶三十五年征河西

又曰帝啟一名建一名余德教施于四海貴爵而尙齒養國老於東序養庶老於西序在位九年八十餘而崩越絕書曰禹崩啟立曉知王事達于君臣之義

呂氏春秋曰夏后伯啟與有扈氏戰於甘澤而不服六卿

太平御覽

卷八十二

九

請復之夏后伯曰不可吾地不淺吾民不寡我而不服是吾德薄而教不善也於是乎處不重席食不二味琴瑟不張鐘鼓不修子女不飾親親長長尊賢使能期年而有扈氏服故欲勝人者必先自勝矣

帝太康

書曰太康尸位以逸豫滅厥德黎民咸貳乃盤遊無度畋于有洛之表十旬不返有窮后羿因民弗忍距於河厥弟五人御其母以從僂于洛之汭五子咸怨述大禹之戒以作歌其一曰皇祖有訓民可近不可下

皇君也君祖禹有訓戒近謂親之下

謂失分

民惟邦本本固邦寧

言人君當國民以安國也

子視天下愚夫愚

婦一能勝予

言能畏敬小民所以得衆心

一人三失怨豈在明不見是

圖

三夫過非一也不見是謀脩其微

予臨兆民凜乎若朽索之馭六馬萬

曰億十億曰兆言多也凜懼貌朽腐也朽腐之索以馭六馬言危懼甚爲人上者奈何不敬

能敬則高而不驕則高而不危其二曰訓有之內作色荒外作禽荒作

也迷亂曰荒色甘酒嗜音峻宇雕牆甘嗜無厭足也峻高大雕飾畫有一子

此未或不亡此六者棄德之君有一必亡況兼有乎其三曰惟彼陶唐有此

冀方州陶唐堯帝氏都冀今失厥道亂其紀綱乃底滅亡言

克之道亂其法其四曰明明我祖萬邦之君有典有則貽

厥子孫典謂經籍則法貽遺也言仁及後世關石和鈞王府則有荒墜厥緒

覆宗絕祀金鉄曰石供民器用通用使和平則官民足言古制存而太康失其業以取亡其五曰

嗚呼曷歸余懷之悲曷何也言思而悲萬姓仇予予將疇依言人君行已不

乎予心顏厚有忸怩弗慎厥德雖悔可追言人君行已不慎其德以速滅

太平御覽 卷八十一 十

敗雖已改悔其可追及乎言無益

帝王世紀曰太康無道在位二十九年失政而崩

帝仲康

書曰惟仲康肇位四海亂侯命掌六師羿廢太康而立其弟仲康爲天子仲

康命亂侯掌王六師爲大司馬羲和廢厥職舍其職官還其私邑酒荒于

厥邑亂后承王命徂征徂往也就其私邑往討之

帝相

紀年曰帝相卽位處商 元年征淮夷二年征風及黃夷

帝王世紀曰帝相一名相安自太康已來夏政凌遲爲羿

所逼乃徙 商亓依同姓諸侯斟灌氏斟鄩氏羿遂襲帝

號爲羿帝

有窮后羿

帝王世紀曰羿有窮氏未聞其姓其先帝嚳以世掌射故以是加賜以弓矢封之於鉏為帝司射歷唐及虞夏至羿學射如吉甫其辭佐長故亦以善射聞與吳賀北遊使羿射雀左目羿引弓射誤之中左目羿俯首而愧終身不忘故羿善射至今稱之及有夏之衰羿自鉏遷于窮石因夏民以代夏政逼篡帝位故號有窮氏

傳曰昔有夏之方衰也后羿自鉏遷于窮石因夏民以代夏政恃其射也不修民事而淫于原獸棄武羅伯因熊髡龍圉四子皆羿之賢臣而用寒泥寒國名泥人名寒泥伯明氏之讒子弟

也伯明后寒棄之夷羿收之信而使之以為己相泥行媚

太平御覽

卷八十一

于內而施賂于外愚弄其民而虞羿于田樹之詐慝以取其國家外內咸服羿猶不悛將歸自田家衆殺而烹之以食其子食羿子其子不忍食諸死于窮門殺之於國門靡奔有鬲氏靡夏遺臣事羿者有高國名泥因羿室生澆五叫反及豷恃其讒貳詐偽而不德于民使澆用師滅斟灌及斟鄩氏二國夏同姓諸侯仲康之子后依相所處澆于過處豷于戈過戈二國名靡自有鬲氏收二國之燼以滅泥而立少康少康滅澆于過后杼滅豷于戈后杼少康子有窮由是遂亡失人故也

寒泥

帝王世紀曰寒泥有窮氏既篡羿位復襲有窮之號泥因

羿之室生澆及豷多力能陸地盪舟泥使羿率師滅斟灌

樹鄆氏殺夏帝相於過封豷於戈恃其詐力不恤民事初
羿之殺帝相也妃有仍氏女曰后緡方娠逃出自竇歸于
有仍生少康焉初夏之遺臣曰靡事羿羿死逃奔有鬲氏
收樹灌樹尋二國餘燼殺寒泥而立少康

帝少康

傳曰昔有過澆殺斟灌以伐斟尋澆寒泥子滅夏后相后

婚方娠逃出自竇后婚相妻也歸于有仍生少康焉為仍

牧正牧官之長恭澆能戒之澆使椒求之逃奔有虞為之庖正

以除其害虞思於是妻之以二姚思有虞君也自以二女妻少康姚姪也而

邑諸綸綸虞邑也有田一成有衆一旅方十里為成五百人為旅能布其德

而兆其謀兆始也以收夏眾撫其官職遂滅過戈復禹之績

太平御覽

卷八十一

祀夏配天不失舊物

魏高貴卿公少康漢高論曰少康生於滅亡之後降為諸
侯之隸崎嶇逃難僅以身免能布其德而兆其謀卒滅過
戈光復禹績非至德弘仁豈濟斯勳漢祖因土崩之勢專
任智力以成功業為子則數危其親為君則囚繫其賢相
身沒之後杜稷幾傾若與少康易時而處或未能復大禹
之績矣又論曰三代之世任德濟勳如彼之難秦項之際
任力功成如此之易且太上立德其次立功就令漢祖功
高未若少康盛之茂也

帝杼直品反

紀年曰帝杼居原自原遷于老丘

帝王世紀曰帝杼一號后杼或曰公孫曼能率禹之功夏人報祭之在位十七年

帝槐

紀年曰后芬立四十四年陟

帝王世紀曰帝芬一名帝槐或曰祖武在位二十六年

帝芒

紀年曰后芒卽位元年以玄珪賓于河十三年東狩于海

獲大魚三十三年商侯遷於殷五十八年陟

帝王世紀曰帝芒一名和或曰帝芒

帝泄

帝王世紀曰帝泄一名帝世或曰泄宗在位十六年

太平御覽

卷八十二

十三

帝不降

紀年曰不降卽位六年伐九苑五十九年遜位于弟局

帝王世紀曰帝不降一名帝降或曰北成

北字或作江字

帝局

帝王世紀曰帝局一名帝禹或曰高陽在位二十二年

帝廙

音近

紀年曰帝廙一名亂甲卽位居西河天有妖孽十日並出

帝王世紀曰帝廙一名頊或曰董江在位二十年

帝孔甲

左傳曰昭二十九年秋龍見於絳郊晉魏獻子問于蔡墨

曰虫莫智於龍以其不生得也信乎對曰古者畜龍故國

有參龍氏御龍氏有夏孔甲擾於有帝擾順也其德能順于天帝賜之乘龍河漢各二四頭爲乘各二乘十六頭各有雌雄

史記曰帝孔甲立好方鬼神事淫亂夏后氏德衰諸侯畔之天降龍二有雌雄孔甲不能食未得參龍氏陶唐既衰其後有劉累學擾龍于參龍氏以事孔甲孔甲賜之姓曰御龍氏受豕章之後

漢書曰孔甲作盤孟銘三十六篇

列山傳曰師門爲夏孔甲龍師孔甲不能修其心意意殺而埋之外野一旦風雨迎之記則山木皆焚孔甲祠而禱之未還而道死

呂氏春秋曰夏后孔甲子東陽賁音頓由天大風晦孔甲迷

太平御覽

卷八十二

古

入民室主人方乳乳產也咸言后來是良日子誰敢殃之長

成人暮動折撿斧破斬足遂爲守者以其無足爲守門之官乃作破

斧之歌

帝臯

紀年曰帝昊卽位使豕韋氏復國三年陟

帝王世紀曰帝臯一名臯苟

帝發

紀年曰后發一名敬或曰發惠其子立爲桀

史記曰帝桀

歸藏曰昔桀伐唐而枚古於營營或曰不吉不利出征唯

利安處役徯爲鼠

書曰伊尹相湯伐桀升自陟遂與桀戰于鳴條之野

尚書帝命驗曰桀失其玉鏡用其噬虎玉鏡喻以清明之道噬虎喻暴虐之

風

尚書帝命侯曰夏桀無道殺關龍逢紀滅皇圖壞亂歷紀

皇天也紀綱紀也天之副歷龍逢引以諫桀也殘賊天下刑法峻也賢人遁逃避時虐也滯

色嫚易男女無別不事祖宗

韓詩外傳曰桀為酒池可以運舟糟已足以望十里

家語曰夏桀昆吾斬劉黎民如草木者焉天下討之如正

夫

史記曰自孔甲以來諸侯多叛夏桀不務德而武傷百姓

百姓弗堪迺召湯而囚之夏臺已而釋之湯修德諸侯皆

太平御覽 卷八十二 五

歸湯湯遂率兵以伐夏桀走鳴條遂放而死

紀年曰后桀命扁伐山民山民女于桀二人曰琬曰琰

愛二人女無子焉斷其名于茗莘之玉茗是琬莘是琰而

棄其元妃于洛曰妹喜傑傾宮飾瑤臺作瓊室立玉門湯

遂滅夏桀逃南巢氏自禹至桀十七世有王與無王用歲

四百七十一年起壬子終壬戌

帝王世紀曰帝桀淫虐有才力能伸鉤索鐵手能搏虎多

求美女以充後宮為瓊室瑤臺金柱三千始以瓦為屋以

望雲雨火進侏儒倡優為爛熳之樂設求偉之戲縱靡靡

之聲日夜與妹喜及宮女飲酒常置妹喜於膝上妹喜好

聞裂繒之聲為發繒裂之以順適其意以人駕車肉山脯

林以爲酒池一鼓而牛飲者三千餘人醉而溺水以虎入市而視其警伊尹舉觴造桀諫曰君王不聽羣臣之言亡無日矣桀聞然折啞然嘆曰子又祇言天之有日由吾之有民日亡吾乃亡耳兩日鬪蝕鬼呼於國桀醉不寤湯來伐桀以乙卯日戰于鳴條之野桀未戰而敗績湯追至大涉遂禽桀於焦放之歷山乃與妹喜及諸嬖妾同舟浮海奔于南巢之山而死

博物志曰夏桀之時爲長夜宮於深谷之中男女雜處三旬不出聽政天乃太風揚沙萬填此空谷

太公六韜曰桀時有瞿山之地桀有鑿山凌通之於何民有諫故曰冬鑿地穿山是發天之陰泄山之氣天子後必敗桀以妖言殺之

卷八十一

夫

墨子曰桀女樂三萬人晨諫開於衢服文繡衣裳莊子曰桀之以治天下也使天下之人瘁瘁焉人欲其性是不愉也

墨子曰昔夏桀貴爲天子富有天下勇力之人生裂兕虎指畫殺人

王孫書曰桀紂爲君從愚妄之言違長者之諫衣溫而忘百姓之寒食美而忘天下之飢或身放南巢或頭懸白旗斯亦無他也但不節才而暴民也

尸子曰伯夷叔齊飢死首陽無地故也桀放于歷山紂殺於鄗宮無道故也有道無地則餓有地無道則亡

又曰昔者桀紂縱欲長樂以苦百姓珍怪遠味必南海之
輦北海之鹽西海之菁東海之鯨此其禍天下亦厚矣

又曰昔夏桀之時至德滅而不揚帝道掩而不興興舉也客

臺振而掩履客臺行禮客之重言不能行禮故天大振動而履敗犬羣而入泉言將壞滅

大尖其生故羣編為婢首不修容飾也鏡銜藪而席隕隕御晨席入人隕內言就福美人婢首

墨面而不容婢首亂頭也萃與髮并鬯聲吞炭內閉而不

歌鬯聲見世衰亂將滅故吞炭白敗音聲閉氣而不歌飛鳥鍛翼走獸決啼鍛翼殘翼決致

蹇蹇七言桀無道曰獵鳥山無峻軫澤無佳水峻美材佳水清

澤不以時故

又曰桀為璇室瑤臺象廊玉牀璇瑤石之次玉也象才廊室也權天下虐

百姓於是湯以革車三百乘伐于南巢南巢廬江居巢收之夏宮

太平御覽 卷八十二 七

天下寧定百姓和輯

譙周法訓曰桀紂雖有天下之位而無一人之譽也猶朽

木枯樹逢風則仆也

袁子正書曰桀紂有民左億之衆四嶽三塗之險京山終

南之固及在鳴條之野一朝而失天下

符子曰桀觀炮烙於瑤臺謂龍逢曰樂乎龍逢曰樂桀曰

觀刑曰樂何無惻怛之心焉逢曰天下苦之而君為樂臣

為君股肱孰有心悅而股肱不悅乎桀曰聽子諫諫得我

功之不能我刑三龍逢曰臣觀君冕非冕也冕危石也臣

觀君履非履也履春冰也未有冠危石而不壓踏春冰而

不陷桀嘆曰子知我之亡而不自知亡子就炮烙之刑吾

觀子亡子不知我亡龍逢行歌曰造化勞我以生休我以
炮烙乃赴火而死禹至桀合十九帝

淮南子曰桀之力剔脰伸鉤角幣索鐵推移大磨大磨軍之大旗水
殺鼃鼃陸補熊罷然革車三百乘困之鳴條鳴條今陳州平巨也禽

之焦門

太平御覽

卷八十二

六



太平御覽卷第八十二終

